

928  
千  
11

陳迦陵文集

二



迦陵詞全集卷十一

宜興陳維崧其年著

涇陽李念慈屺瞻

弟維岳緯雲

參閱

黃岡王澤弘昊廬

選

建安鄭重山公

男履端

鄧州彭始搏直上

姪賜薛校

謝池春慢

乙卯三月三日作

烘桃染杏春到惹思量處弱蕙試新荑嫩蝶翻綿羽林際  
鶯繞滿梁畔燕將乳麗歌旗喧戲鼓三三兩兩挑齊誰家  
女鴨頭搓足勾偏了城南浦半引前溪影碧上垂楊縷  
半取烟汀色綠薰盈樽醑斟一斗思千古蘭亭洛水森森

波流去

鵠踏花翻

春夜聽客彈琵琶作隋唐平話

雨滴梅梢雪消蕙葉入春難得今宵暇倩他銀甲淒清鐵  
撥縱橫聲聲迸碎鴛鴦瓦依稀長樂夜烏啼分明溢浦隣  
船話 腕下多少孤城戰馬一時都作哀湍瀉今日黑闌  
營空尉遲杯冷落葉浮清灘百年青史不勝愁兩行銀燭  
空如畫

花朝行玉峯道中用蝶庵詞韻

柔浪如酥遙峯欲笑檣烏陣陣迎人話說道今日花朝此  
去包山歌臺砌滿苔錢鱗玉簫金管勸東風嫣紅艷紫須  
遲卸 頗訝往事酒邊燈下銅扉記隔歎輕謝每到丁字

簾前群芳生日昵語何曾罷如今好箇奈何天一船花月  
春江夜

健兒吹笛

十上熉煌三過代郡翩翩繡祫黃金勒曾在僕射營門塞  
女如花偷譜李暮銀雁笛長城夜月一輪孤沙塲戰馬千  
群黑 今日鬢點霜花誰識故國何年歸始得幾徧閒尋  
舊曲纔當入破又犯龜茲急節陽城外遇鄉人一聲紅豆

春衫濕

宣清

春夜聞雁

春夜紅粧枕怪賓鴻月底哀鳴如昨惹青衫淚甚時乾引  
紅闌睡何曾著記得當初楚天烟水碧湘樓閣攬玉軫和

金徽自分西風冷落  
一霎年光又逢春  
社萬里鄉心作  
憶  
森森蕭關茫茫沙漠  
故園歸歟行樂花柳江南  
儘讓他  
鶯啼燕掠

或以鵝炙啖我飽而填詞

亦食糠覈耳只屠門大嚼差強人意笑當年娃說於陵問  
何人嗜同劉毅東郭長貧左車漸脫仰天直視秋社日恰  
分將紅掌鵝羣淨美據案爬搔臨餐跳躍鋪歡真佳計  
似海客剝龍壯夫斫彘飄飄凌雲之氣放箸盤空借君家  
籠中閒戲

薄媚摘徧

偶感

舊家門閒院落有箇人兒在最玲珑偏鬟鬢濃蛾秀鬢無

賴輕紅架底青粉牆邊一樹睡香開玉鴉又打來斜戴  
晚風大低颺茜花裙帶小做懨懨態疑有恨不勝嬌和烟  
早簇上眉黛一丸涼玉挂向簾鈎逋髮未全撩記得瀨行  
送人欄外

淒涼犯

哭雲間友人金蓬山和錢蘊敏韻

秦淮水閣微茫景迴船使酒如昨笛床茗椀烟帆雨幔麝  
盟粉約江濤噴薄短咏長吟間作戲呼余長髯者燭下态  
謗謔重過酒爐縱歌譜猶存翠凋珠鏘玉京伴侣似人  
間也愁離索促返蓬山果然去驂鸞跨鶴研香箋漫寫沉  
吟怎睡着

寒林

一星星火紅猶在更闌空館纔覺甚地勾欄那條京瓦暗  
鳴脣磚牆根市角風遞到一城郭索終不然啼砧弔月或  
是夜絲絰此際無衣子冷巷閒坊睡何曾着敲時和夢  
似徐拋零星珠雹陡觸霜威愁殺是此身寒薄春崩騰柝  
聲四起山月落

前半闋  
多二字

### 雪獅兒

本意

雕霜捏粉作西域萬里狻猊攫擎爪距側腦平蕪猛氣驍  
騰何怒奔犀駭虎更何論田間狡兔似鮑老裝成假面筵  
前決賭道上兒童戲汝筭水澌雪盡愁伊無據恰遇獅  
王微笑擲花而語明駝洛下費幾許銅山纔鑄今何處一  
樣荒烟細雨

戊午秋西域獻黃獅子至一時待詔集闕下者不

下百人皆作詩歌揄揚盛事崧亦填詞一首

大勾臚唱問幾日林邑船來九賓列俎異獸來庭不美雕  
題碧砮軒然爪距色灑上銅盤仙露綵仗內鬧裝蠻帶形  
模似否却笑偏陬蕞土記孫郎舊日小名同汝蠚爾黃  
奴詎識真龍有主銅繩難掣軛道上降王嬰組堯堦舞赭  
帳瞳曨日午原本第二句無  
問幾日三字

### 轆轤金井

咏閨人汲水浣花

落燈風定粉牆東梅英一點紅小景物融和愛春光恁好  
鸚哥哢巧喚簾內浣花須早况有階前東風露井一泓清  
曉行來碎珠自昏倚銀床百尺輕漾素綆却訝琅然觸

銅瓶聲悄多年玉導看依舊鳳蟠龍擾手撫遺釵裙扶花影歸房微笑

法曲獻仙音

寄嚴覽民錢寶汾顧華峯三舍人

蜀肆先生漢家夫子新謁帝承明殿最喜金闈璧人聯轡吳郡顧榮揮扇更驚聞三珠樹錢起湘靈怨人傳徧思往日江東婉奕紅燭下挾瑟鳴箏公讌詎料鳳凰池三子者一時妙選十里朱簾爭看煞黑頭王樣只凌雲一賦楊意何時方薦

咏鐵馬同雲臣賦

赤兔無成烏鵲不逝屈作小樓簷馬碎珮琮琤叢鈴戛玷依稀客窗閒話更鳥雀時相觸霜欺兼雨打幾悲咤想

多年戰場猛氣矜蹴踏萬馬一時都啞流落到而今蹠霜蹄寄人籬下潦倒餘生儘閒身殊絲同挂又西風喚起仍舊酸嘶中夜

塞翁吟

秋日過竹枝庵訪靈機上人不遇與寒松上人茗談

出郭秋光好黃葉颯杏霜空篠徑纖石泉通漱碎玉淙淙三生堂後名僧至乘興杖笠過從擬問取寺門松可仍舊如龍橋東誰延佇虎溪三笑逢舊識廬山遠公說曉起秋山有信趣昨夜出岫閒雲仍返山中姑畱軟語飽看禪窗瘦槲枯楓

東風齊着力

花朝

春因初濃春愁難安又是花朝蝦鬚半軸蛾綠不曾描記  
得去年玉勒相逢在絲雨長橋鞶韁社綉旗不定畫鼓頻  
敲流水漾迢迢人不見粧成知爲誰嬌穠春病酒雙臉  
印紅潮欲借鴛機論恨回文字帶淚斜挑腸斷也百花生  
日只是無聊

田家

綠水灣頭青山疊處有箇人家藤梢橘刺禿榦槎枒爛  
熳田莊風味籬穿筍砌吐鮮花誰相餉隔牆濁酒過雨新  
茶溪口路三叉門半掩小橋流水栖鴉芋區鷄柵零亂  
向風斜處處村簫社鼓叢祠畔絲管咿啞君休去鱉魚大  
上園韭纔芽

絳都春

第一體

咏蛱蝶

誰家佛助想一縷裙花做成紅雨青草如烟綠水如羅被  
陣陣東風吹向晴空舞又傍平蕪來去桃花門巷菜花天  
氣輕狂無數嬌嬌留他不住更砌畔濛濛牆頭栩栩飄  
零蕩漾一春夢裡曾如許料伊也爲多情悞只愁撲蝶園  
中癡慾兒女

長調

滿江紅

悵悵詞

咄汝青衫奚不去白楊荒漠歎是處病蘭不笑瘦琴空削  
鄰酒紅來心久死越娘紫去懷長惡猛耳酣追憶玉箋河

驚流落 東簫展西繞芍北金谷南銅雀只詞流騷艷供  
伊談噓百不憐人游獵賦一生悞我靈光作向要離冢上  
以呼余余曰諾

日夕此間以眼淚洗胭脂面誰復惜松螺脚短不堪君薦  
幾帙罵人鸚鵡著半床詛世芙蓉譏笑嶽寄俠骨縛青衫  
奚其便 热不向青河戰曷不向青樓宴問何爲潦倒青  
藜筆硯老大怕逢裘馬輩顛狂合入烟花院誓從今傳粉  
上鬚眉簪歌釧

腰綵唇朱渾妝就腐儒花靨堪噴飯驪腸賦骨也來帖括  
兒輩不關詩酒事乃公偶墮文章刼看他年百隊羈如霞  
夔州獵 紗千卷澆玄蝶螺千縛漂丹蚨也扶風歌彈陳  
留花鑷梔子街前捎粉盜鳳凰橋下薰香俠更偏軍夜繞

甑山城師常捷

一畝書齋白楊樹今番滿矣想十載墨池滋味不過如此  
芍藥風流可賜絳丁香年少宜衣紫問奚爲蹀躞鸚鵡橋  
無聊子 簫欲哭紅水璽琴欲笑玄霜葉歎騷茵墨寶命  
儕歌婢硯締半車蘭葉鬼詩斟一斛茶花髓也紅顏絕代  
可憐人因誰死

白柳黃羊宛繪出傷心片幅酸切處短霜供爨古烟供讀  
觴弄於君何必怒飄浮似我原堪哭聽黃陵磯畔夜深船  
淒涼曲 梨園內絲憎肉田園內花欺粟更枲麻謗錦賚  
施讒菊百隊錢刀爭作橫一身風雅單爲僕倚酒悲亂擊

紫珊瑚鳴如築

咏雪

雪灑形墀看帝里風光不惡恰喜是銀裝絳灌瓊雕衛霍  
粉粧班中年尚少玉兒宮裡腰初約更太平天子坐當中  
簾垂著御溝畔爭寒雀寶鼎外山呼却喜臣心似雪朕

之良藥瑟瑟六花籠翠幄泠泠萬點敲金鑰問鶴行誰擅

郢中才從頭索

官閣

連日微陰梅花外數聲姑惡憔悴是浮持小女兒家姓霍  
春夢晝寒偏易醒鬢絲指冷應難約思沉沉獨自抱銀箏  
人猜著釵梁燕鞋帶雀簪處顛移來却看移平鴛瓦鋪  
明紅藥沾濕怕污郎白馬玲瓏不辨奴青鑰問何時乾鵲

噪香奩從天索

閨閣

萬里茫茫寄廬畔風狂雪惡歎當日漢家蘇武功高衛霍  
迢遞南天鴻雁信妻涼北海羝羊約縱饑來朔雪亦堪吞

無衣著傳書犬啣環雀忠孝事難忘却看詩誇同澤史  
譏嘗藥夢到龍樓飄瑞雪六宮夜宴黃金鑰正醒時蘆笛  
起邊愁風蕭索

塞外

六出花飛側耳聽金鈴大惡正勝六撒鹽飛絮瀰漫揮霍  
緬罷額黃簾四捲妝成蛾綠鈎雙約任樓頭倚遍玉闌干  
難安著歌竹子彈翎雀舊時曲都拋却悔姮娥清冷多  
因偷藥燒盡深閨紅獸炭闔殘別院文鱗鑰只雪沙澌澌  
打空階秋千索

樓中

四世三公袁高士人身不惡也不羨東朝田竇西京金霍  
大雪不知秦與漢平生詎習從衡約笑本初公路亦家駒  
爭殘著穿花蝶啣梅雀土銼冷高軒却縱蒲輪束帛誤  
人之藥煖足那須東閣被安心自守空山鑰任門前白盡

漢江山休相索

袁宅

大獵城南此年少王家鎮惡何況是姿容比玠從奴勝霍  
帶雪能騎千里馬殺人不受三章約正射鵠時候暮雲平  
弓弦著能逐兔能探雀揮杯飲休辭却向諸君笑語此  
非鳩藥旦日醉從屠狗博昨宵怒奪城門鑰看蹤蹠玉色  
雪中馳難追索

馬上

舉舉師師正春病心情小惡蚤則是雪飛寶篆寒生錦霍  
無力渾如儂樣性難憑恰似郎邊約倚銀籌小語罵輕狂  
偏偎著繁簾蒜騰釵雀斜復整行還却好搗殘玉杵和  
他面藥睡眼初瞶驚六出曲中小響倉琅鑰又平康狎客  
喚銀瓶塞簾索

曲中

大雪江天笑萬里北風作惡擣只向屠門大嚼磨刀霍霍

季布田中亡命客盧家堂後消魂約正雪深兀坐酒樓中  
思量著車中婦山頭雀恨不了愁難却總無如一醉勝  
他行藥小婦且擎紅玉梳金吾漫鎖春城鑰拍糟床極愛  
酒家郎頻呼索

酒家

陳郎以扇索書爲賦一闋

父名陳九曲  
中老教師

鐵笛錮箏還記得白頭陳九曾消受妓堂絲管毬場花酒  
籍福無雙丞相客善才第一琵琶手歎今朝寒食草青青  
人何有弱息在佳兒又玉山皎瓊枝秀喜門風不墜家  
聲依舊生子何須李亞子少年當學王曇首對君家兩世  
濕青衫吾衰醜

江村夏咏

百頃風潭鎮日展風漪八尺向此處未妨飲噉且須琴奕

籬筍細醃紅縷豉吳鹽小下銀絲鯽待體中脫復有佳時  
哦周易 北垞外寒雲白西崦畔蒼烟積更水鳧將子縱  
橫飛拍老子難拋白玉塵少年喜拓黃金戟總風情輸與

牧牛兒斜陽笛

野水濛濛掩映處烟扉三兩美門外黃雲罷桓麥場如掌  
叱叱村頭驅犢返瀰瀰江口叉魚往喜田園四月不會閑  
人勞攘 嫩晴後桑陰敞老屋下田歌漾更芋區新灌鵝  
群初放婆餅焦啼秧馬活社公雨過纏車響笑吳儂原住  
五湖邊曾呼長

畧衍東頭有蟹舍斜連荻市追涼處田夫說餅風情靡靡  
餌餌滔匙薑韭滑餕餔膠口椒橙美更傳聞櫻笋羹如泥  
今年裡 义手舞揜拳起缸面酒長腰米想大官厨味不

過如此老我田園河射角笑他宦仕車生耳漏湖風剛趁  
此時來欣然喜

碧浪初圓凭水閣脫巾獨立誰作伴數竿籬竹一甌茗汁  
似有聲來茶礎轉斷無人處村春急正日長撥悶枕書眠  
斜川集 檺花上珠堪吸荳花底涼堪裏看瀰茫一派雨  
蓑烟笠搏黍鳥啼勤又嬾鮆魚風起吹還澁恰衝泥隣叟  
墊巾來芒鞋濕

雨欲成時聽村北村南鴨鳩行樂處崖門藤束溪腰樹夾  
水剪越羅吳縠樣山臨范緩倪迂法任科頭箕踞受松風  
新涼霎 何必學呼名鴨且自荷隨身鍤儘一丘一壑此  
生寧之雲起怒排臨陣馬澗鳴冷試擣爭甲更歸來滴滴  
玉蛆聲槽床壓

丁字畦邊見一帶陰陰夏木扶疎甚釣絲斜漾菱絲大熟  
鶯暖鮆魚新上市草香蠶子齊登簇喜炊烟一縷裊江邊  
燃湘竹菱鷄唱溪流足姑惡叫山光綠聽樵歌正斷漁  
歌又續泥滑婦愁微雨饁村深兒趁朝涼讀更柳塘吹起  
笱牛風波如縠

罨畫銅官都繚繞吾廬左右論生計蹲鴟一頃菰蒲百畝  
矮屋村扉多蘸水澄潭釣艇斜依柳恰月明漁網截江來  
歌銅斗烟漸歛籠鴉舅雨又作鳴鳩婦正湖風側帽林  
花墮酒戲就攤錢淮估語悶思研鱠吳娘手待明朝重榨  
甕頭蓋呼溪友

澤國人家門以外水田渺渺無過是明潭淺瀨烟蒲風篠  
雪浪江帆喧晝夜鷄頭菱角知多少泊數行筭簪玳玲瓏

漁蠻遙新暑退蘆塘窅殘月映溪堂皎且榜他碧石沾  
來清釀一雨平湖涼思滿數聲林笛離情悄正水雲空濶  
晚冥冥沙鷗矯

天水空濛蘆花內茆菴一箇長夏裡溪干乘興短篷掀簾  
十里烟波鷗世界半盂茗汁僧功課更寺門竹翠劇憐人  
如何睡洗鉢罷苔陰坐捶琴歇花關臥愛栗畱聲脆枇杷葉  
大便住隨師聽浴鼓再來何日開烟杌約搓橙剖橘好時光  
還重過時過浣花禪師

三伏炎蒸吳牛喘老顛欲裂詎便少池荷半畝山松百尺  
赤日紅塵那可耐哀梨并剪無從覓且臨風快讀劍南詩  
傾一石堂堂處裝何急咄咄處人都逼筭功名馬稍關  
山梁益綠鬚雙螯寒夜擘白頭猛虎霜天射漸卷終不覺

海風生冰車轂

歲暮渡江用宋荔裳觀察曹顧庵太史王西樵考

功倡和原韻

六幅蒲帆掠江下玻璃綠漲中流處舉杯遙賀焦先無恙  
一片鄉愁殘壘下五更僧語空船上喜網來白小不論錢  
漁蠻餉看蟹舍沙頭漾聽銅斗船頭唱喝岷江有水速  
成醇釀估客使船都似馬吳兒踏浪何須杖剪燭花醉眼  
看魚龍離奇狀

舟次潤城謁程崑崙別駕

此地孫劉想萬馬川騰谷漲公到日雄關鐵鎖東流無恙  
上黨地爲天下脊使君文在先秦上更縱橫羽檄氣偏豪  
籌兵餉天上月波心漾隔江笛樓頭唱歎江山如此可

消官釀側帽高張臨水宴掀髯勇策登山杖踞寒崖拂薜  
剔殘碑猿猱狀

懷阮亭

隋帝宮門楊柳岸春濃花漲曾密報杜家書記平安無恙  
相賞每多松石意此情原在錢刀上記紅橋風月六年游  
皆君餉瓜菓讌離旌漾禪智寺驪歌唱任吳霜鬚裡漸  
爲君釀謾說休文圍帶減吾年四十還須杖夜闌時夢汝  
帽簷斜論詩狀

聞阮亭罷官之信并寄西樵

鼎鼎朱門滿眼是膨脹腹漲誰得似心情半嬾風情微恙  
阿堵考君材最下孔方阻爾書難上筭人間只有芰荷裳  
堪相餉華不注樵風漾輶固里蠶娘唱使漸離和曲杜

康佐釀才子爲官休亦好弟應荷篠兄携杖記相人原說使君非癡肥狀

乙巳除夕立春

爆竹一聲吾廬外千門烟漲喜今夜新春殘臘田園無恙南國舊游稀眼底西京遺事來心上記黏鷄彩燕廿年前攔街餉滄桑換都拋漾頭顱老休歌唱且左燒紅燭右傾家釀鬱壘欹斜頭上帽神茶脫落腰間杖笑人憐桃偶偶憐人同斯狀

父念兒耶珠淚逆溪流同漲屈指算四時作客三秋抱恙山左未尋周櫟下廣陵且覓王貽上乍榴花時節載愁還堪誰餉弱女嫁羅衣漾諸弟隔羈鴻唱又匆匆去買高郵雪釀寒夜纔歸陽美棹燈前擬試金焦杖向泉臺泣數

一年間飄零狀

將爲鄧尉看梅之行先寄吳中諸子

二陸三張曾轟飲劍池春漲吾語女千年花草至今無恙柳絮微風胥渡口梨花細雨臯橋上自別來僕病負諸君尊鱸餉僂僂甚游絲漾匝匝極離鶯唱漸欲寒欲煖暗將梅釀我意巾車還躍馬君其挈榼兼扶杖待月明飽玩萬山巔橫斜狀

贈朱亦巖先生

先生  
楚人

湘入瀟波極望處楚天碧漲來領袖五湖詞賦齊盟無恙蕭帝宅荒葭菼外昭君村在秭歸上羨風騷兩地仗斯人從天餉珠玉走龍蛇漾白雪和幽蘭唱看江花狼籍班香醞釀他日定爲公子繡此時敬撰先生杖謝君侯未面

已憐余疎狂狀

何明瑞先生筵上作

辛巳歲先生在陽羨令幕中拔予童子第

陽羨書生記年少劇於健馬公一顧風鬃霧鬢盡居其下  
兩院黃驥佳子弟三條紅燭喬聲價恰思量已是廿年前  
淒涼話 鐵笛呌南徐夜玉山倒西窗下且擣蒲六博彈  
箏行炙被酒我思張子布臨江不見甘興霸只春潮濺雪  
白人頭堪悲咤

題尤悔庵小影次韻

快馬健兒記當日先生自許誰信道驛驅一蹶長鳴憶主  
淒切新詞楊柳月悲涼雜劇梧桐雨 悔庵工樂府梧桐雨元白仁甫所撰  
北平回首暮雲低呼鷺處 悔庵司李北平 朝其市難容與山共  
水聊延佇且岑牟單絞搔頭箕踞千石硬弓千日酒三條

櫂燭三搊鼓正男兒失路述生平騎間語

見公羊而語

天語琳瑯曾比汝殿前之柳今老矣漫云才子居然聲叟  
三弄笛吹桓子野雙丸髻挽王曇首儘數來作達昔人多  
如君否 脚有鬼還父手舌尚在終開口肯車中閉置學  
他新婦麌道士爲盤內舞銅將軍侑花前酒對董龍半醉

語喃喃何鶲狗

董龍爾是何鶲狗見南北史

過邯鄲道上呂仙祠示曼殊

曼殊工演邯鄲夢劇

絲竹揚州曾聽汝臨川數種明月夜黃梁一曲緣酷千瓊  
枕裡功名鷄鹿塞刀頭富貴麒麟塚只機房唱罷酒都寒  
梁塵動 久已判緣難共經幾度愁相送幸燕南趙北金  
鞭雙控萬事關河人欲老一生花月情偏重筭兩人今日  
到邯鄲寧非夢

自封丘北岸渡河至汴梁

漭漭河聲振柁處怒濤千尺絕壁下魚龍悲嘯水波欲立一派灰飛官渡火五更霜灑中原血問成臯京索事如何都陳蹟蟲牢外風蕭瑟廩延畔沙堆積試中流騁望百憂橫集混混且拚流日夜茫茫不辨天南北但望中似見有人烟陳橋驛

封丘古蟲牢延津古廩延

迦陵詞全集卷十一終

迦陵詞全集卷十二

宜興陳維崧其年著

華亭董俞樗亭

弟維岳緯雲

遂安方象瑛渭仁

宗石子萬

叅閱

如臯許嗣隆山濤

選

男履端

武進弟玉璫椒峯

校

子良滿江紅

汴京懷古十首

壞堞崩沙人說道古夷門也我到日一番憑弔淚同鉛瀉  
流水空祠牛弄笛斜陽廢館風吹瓦買道旁濁酒醉先生  
班荆話攝衣坐神閒暇北向剗魂悲咤行年七十矣翁  
何求者四十斤椎真可用三千食客都堪罵使非公萬騎

壓邯鄲城幾下夷門

鉛錠無成不信道英雄竟死猶有客棄家破產東求力士  
太息已看秦帝矣悲歌只念韓亡耳道旁觀誰道祖龍耶  
妄男子狙擊處悲風起大索罷浮雲逝歎事雖不就波  
騰海沸羸政關河空宿草劉郎宮寢成荒壘只千年還響  
子房椎奸雄慄

博浪城

汜水敖倉是楚漢提戈邊界想昔日名姬駿馬英雄梗槩  
榮澤波痕寒疊雪成臯山色愁凝黛歎從來豎子易成名  
今安在俎上肉何無賴鴻門斗真難耐筭野花斷鏃幾  
更年代秦鹿詎爲劉季死楚猴甘受周苛賣笑紛紛青史  
論都訛因成敗

廣武山

太息韶華想繁吹憑空千尺其中貯邯鄲歌舞燕齊技擊

宮女也行神峽雨詞人會賦名園雪美天家愛弟本輕華  
通賓客梁獄具宮車出漢詔下高臺坼歎山川依舊綺  
羅非昔世事幾番飛鐵鳳人生轉眼悲銅狄着輕衫半醉  
落霜雕弓絃苦

吹臺

野渡盤渦中牟界濤翻浪走勒馬看殘山剩水一番回首  
斜日亂碑森怪蝶危岡怒石蹲奇獸笑中原從古戰場多  
陰風吼炎劉鼎嗟淪覆袁曹輩工爭鬪看金戈塞馬喧  
塵馳驟浪打前朝黃葉盡霜封斷壁青苔厚又幾行雁影  
落沙洲多於豆

官渡

宋室宣和看艮嶽堆瓊砌瑤也費過幾番錘鑿兩朝丹堊  
花石綱催朱太尉寶津樓俯京東路晉銅駝洛下笑人忙  
曾廻顧花千朵雕闌護峯萬狀長廊互使神搬鬼運無

朝無暮一自燕山亭去早故宮有夢何由作歎此間風物  
劇催人成南渡

艮嶽

曲水金塘流不盡汴京遺事記當日昆明水戰都亭百戲  
相國寺前燈似晝南薰門外天如水恰政和天子趙官家  
多才藝火仗轉星毬墜水幄捲雲房蔽正扇分雉羽橋  
排雁齒此夜只憐明月好當時那曉金人至記居民拂曉  
撥菰蒲尋珠翠

金明池

北宋樊樓縹紗見形窗繡柱有多少州橋夜市汴河遊女  
一統京華饒節物兩班文武排簫鼓又墮釵闕起落花風  
飄紅雨西務裡猩唇煮南瓦內鸞笙語數新粧炫服師  
師舉舉風月不須愁變換江山到處堪歌舞恰西湖甲第  
又連天申王府

樊樓

古玉津園斜陽照滿陂蘆荻渾不見銅街鐵市層樓列戟  
陰慘慘兮門自鎖冷清清地船誰摘繚垣邊覓個不愁人  
如何得白玉沓黃金榻園芳樂樓青漆任婁風苦雨籠  
窗動壁春去鳥啼樊重里月明花落王根宅壞廊斜石獸  
趁行人行人嚇

玉津園

汴水分藩憶帝子金牀玉冊人都美憲王才調孝王儔匹  
椒殿丁年喧鼓吹桂宮甲帳繙圖籍唱誠齋樂府夜深時  
箏琶急蔡河漲蘭橈織鴈池汎龍舟疾記牡丹時節排  
當宿直一夜黃河瓠子決滿城紅袖梨花濕痛波飄菰米  
入宮牆沉雲黑

寫近况酬寄曹顧庵學士卽用學士來韻

黃雀銀魚美秋後攔街塞術屬饜耳神仙難學底須煉木

萬事絆人園客爾百年戲我狙公栗倚秋城下瞰暮濤紅  
煎斜日風乍滿喧杉漆霜漸老催機匹看雁排人字璫  
璫幾筆詩怕殺青刊復毀鬚憎鑄白芟逾密只酒悲苦憶  
婦姑城呼鷹出

月之初六余將有廣陵之行前一夕行囊襍被俱  
被偷兒負去戲作二詞示里中諸子仍用前韻  
酒盡天寒彈短鋏半生無術擬還向廣陵賣藥荷苓挑木  
秋雨好攜邛竹杖荒原莫管周人栗束殘書准趁半江晴  
期來日 蝙蝠暗空如漆絡緯叫難成匹正籬搖書帶庭  
欹木筆計畫總嗟吾輩拙安排儘讓天公密笑青虧一夜  
羽毛生飛而出

益語主人驪駒唱畱行無術堪歎息井叢熠耀日荒松木

冥阨關高驥訖薦王官谷險猿偷栗筭一年作客縱歸來  
無多日何不販山中漆何不織機頭匹只年年懷刺幾  
時投筆胠篋愁看君笥儉緘縑喜遜隣家密請先生晨起  
檢空箱如何出

贈史遠公五十卽用學士原韻

畫苑詞場數儕輩君才橫出論戈法韭花薹尾盡推道密  
九殿爭傳鸚鵡賦戊戌會試遠公已捷第一人重瞳親獎龍蛇筆遠公署書爲天語所獎更岐王含笑看揮完綾千匹熬不熟仙家漆粘  
不住天邊日歎離還采菊里仍呼栗醉研月中一片桂閒  
收雨後三峯木儘清狂舍此問成仙無他術

賀曹掌公秋捷仍用前韻

老盡詩人吳與越惟君傑出人都羨家風華貴文瀾綺密

三世金蓮學士燭一門銀管湘東筆看來春駿馬蹴長楸  
千千匹 僕老矣身空漆卿健者懷吞日記酒行以往玉  
溫而栗記與掌公吳學圃條豐君撥杏硯田殖落余鋤木  
趨高會時擬蕨竿變技學曹公穿楊術

贈大西洋人魯君仍用前韻

怪怪奇奇咄咄甚譎譎出出經過處迢羅瘴惡荷蘭烟客  
鶴語定知何代事麟經不省何人筆駕崩濤九萬里而來  
鼈鼈匹 海外海光如漆國外國天無日話僬僥龍伯魂  
搖股粟善奕慣藏仙叟橘能醫却笑神農术更誦完一卷  
咒人經驚奇術

贈吳白涵仍用前韻

白涵工詩善琴  
吾邑中高士

轟隱家門捉鼻免問君何術適志耳和烟種樹帶雲春术

杜老堂前隣撲棗陶公酒後兒呼栗更風潭夾宅月當門  
消閒日 詩酒外誰膠漆猿鶴侶吾儔匹任客誇裏馬人  
矜才筆書到成時松竟老徑當僻處蘿偏密叩苔扉半晌  
不逢人琴聲出

憶舊游寄金沙王弓銘張杜若徐岐離史兼三諸  
子仍用學士來韻

曾記中原與數子揮鞭競出同憑弔園空石尉城荒李密  
洛下金墉城  
李密城也夜臥戍樓風咽鼓晨題敗驛霜膠筆更月中  
帶雪上輶輶奇無匹 戰塲內碑填塗叢祠外燈搖日憶  
並鞍舞蕨分籌賭栗往事錐來如削草新愁製就同煎茶  
筭倩他白日繫長繩嗟無術

丹陽賀天山寄詞二闋屬和其韻

枯樹衰楊三歎息物猶如此白眼看塵埃野馬子虛凹是  
四壁豈無窮可送九天只有愁難寄放狂歌金鐵一時鳴  
吾衰矣 拜特進官承旨僅列鼎奴衣紫更屏間竊窕堵  
前阿唯若有人兮寧足慕彼何爲者殊堪恥曾幾回策馬  
樂游原荒煙耳

速壘糟丘卿莫惜爐邊酒價能幾日秦關月小漢宮花謝  
萬里秋從西極到千年淚向南樓灑婦人裝胡粉且搔頭  
無人者 風刮燭窗多罅雨淋壁簾須下潤南隣北戶詩  
場歌社自畫蘧蘧身化蝶青天夢夢程生馬約練湖鴉舅  
十分紅余來也

日內將至  
丹陽故云

舟次丹陽感懷二首仍用天山韻

水面絃生郭索響誰能遣此問白傅淳陽江上可曾如是

天外雨隨帆共落洲邊雁與船同寄人奴之嘒罵此生無  
應足矣 河蟹賤肥而旨秋山暮紅兼紫但酒酣以後呼  
牛亦唯鑄鐵竟成千古錯讀書翻受群兒恥笑道旁石馬  
亦何爲風吹耳

且食蛤蜊管婢價何如奴價君不見棠梨一樹昨開今謝  
形狀何勞麟閣畫淚痕不上牛山灑願他年青史好爲之  
傳來者 月射隙霜尋鰥騎蓬背眠檣下笑長貧陳孺肉  
難分社張祐宅荒碑竄鼠呂蒙城濶帆如馬間半生何物  
誤人歟殘編也

過京口復用前韻

剝壘殘崖有多少英雄經此也則爲風吹浪打趨成如是  
北顧髻鬟晴欲笑南朝君相生同寄歎齊梁一片好江山

都非矣 茶沸乳簾泉旨楓繡瘦酡顏紫倘鶴猿招我欣然日唯夔縱憐弦何所益信偏伍增徒增恥踞蓬船吹火騁雄談減三耳

瓜步船來亟爲問淮南米價念欲索陶胡奴米何如詣謝肝膽儘從鄰媼露毫毛拚向沙場灑歎臣精今日已銷亡誰容者 栗半熟經霜鏽豚對舞浮波下聽寺鐘隱隱隔江蓮社快意且騎隋苑鶴失時休使瞿塘馬怪一軍銀鎧海門來潮頭也

渡江後車上作

磨鏡來耶怪范叔一寒至此古所謂弔喪借面將母同是十載江河淮泗客一身南北東西寄問車中閒置婦人乎真窮矣 村釀薄寒加旨斜日淡風添紫有輿騁拉飲從而唯唯謁彼金張吾已過厄於陳蔡誰之恥任兒童拍手笑勞人車生耳

亦復何傷終不掩文章光價會抵突不知屈宋何論沈謝一曲楚聲愁筑破半生情淚如鉛灑盡腹中容得百千人如卿者 好覓個西村鱗竟須在南山下結斬蛟射虎疎狂之社夢裡悲歡槐國蟻世間得喪隣翁馬語前騁叱馭且從容余歸也

看牡丹感舊

芍藥啼烟倚晴晝枝枝欲顫恰又是送春天氣夾衣庭院香逕露濃圍綉幄輕簾風細低歌扇將去年情事倚闌干思量徧 花與月曾畱戀朝共夕間游衍在睢陽古郡商丘舊縣記得濃香籠兩袖醉餘馬上携歸便下小樓紅袖

那人迎人微倦

壽武林徐世臣賢配邵孺人六十

曾在西泠徐穉下陳蕃之榻記當日湖山濃淡賓徒雜沓  
夜雨對眠靈隱寺春帆競掠雷峯塔幾何時雲水竟飄然  
攜瓢衲室有婦機聲匝塾有子書聲答喜鴻妻操作龍  
駒蹙踏設帨九天喧管籥爾觴七郡傾壺榼正中秋月照  
浙江潮銀光合

余澹心吳蘭次周子倣顧梁汾秦對巖諸公共飲  
集生家適余在山中未與此雅游也蘭次作詞  
見示余亦次韻

醉帽欹斜訝何處玳筵留客却誇我鱸魚染落席門置食  
滿眼紅牆愁裡過千場錦瑟閒中憶只君家數過酒杯寬

真難得也不羨鵲絃璧又何用鸞鏡摘但茶香雙好居  
然雅集笑我凍栖梅一樹輸他醉把螯千隻問酒謀之婦  
尙能乎期來夕

將發梁溪酒後與吳蘭次

臣醒而狂問何處再尋荆轂但相見金樽休放玉簫須壓  
舊事漫誇冠蓋里新愁合付昆明劫幸名園一月共聯床  
歌聲接老鳳叫才何捷雛鳳語吟都懨奈匆匆欲唱渭  
城三疊歸去道塲山下路也應瘦了丹楓葉只郵亭醉尉  
夜偏多休輕獵

蘭次擊舟相訪與予訂布衣昆弟之歡而去賦此

紀事

雨覆雲翻論交道令人冷齒告家廟甲爲乙友從今日始

官笑一麾君竟罷病驚百日余剛起問乾坤弟畜灌夫誰  
惟卿耳嗟墨突殊堪恥憐范釜還私喜且樵蘇不爨清  
談而已開口會能求相印吾生詎向溝中死終不然鬻畚  
華山陰尋吾子

同雲臣和天玉元夜泊舟溪口感舊之作

峭冷尖寒也算做一番元夕還記憶清歌妙舞梅魂雪魄  
向日微聞年少事狂夫曾到岐王宅把玉簫吹起落梅風  
成今昔水驛底孤眠客月榭口寒波積正沉吟何限釵  
痕綦跡早信今宵鮫帕濕悔教那夜屏風隔載一船離恨  
壓西溪溪流碧

郝元公署中食餅忽有茂陵之憶賦詞誌感

落拓無家歎三匝曾栖汝潁記那日綠窗間與姬人說餅

漫粉宛同春絮薄映空絕似杭羅淨笑鸚哥偏愛啄香航  
吳兒性纔半載歸鄉井拚兩地悲萍梗筭不因烽火幾  
成薄倖聞說袞師年尙幼憂羨解向厨娘競只今宵入手  
恰輸他團圓影

秋日幾士兄姬人生子詞以志喜

人種追來喜阮曲又生遙集兄生子姬人係得之姑母家是月裡風飄  
桂子夜來親拾旦日驚看佳氣滿經年怪底吟聲澁兄素勤詞  
翰年來竟不作詩果息機結得蚌胎成珠光濕嫂已慶螽斯緝  
孫漸解勝衣揖笑阿兄此事得母非急小弟今冬方五十  
飄零一綴河之北待來春挈取小獅兒還鄉邑

再疊前韻酬幾士兄

阿大中郎論家世人人有集吾老矣沅湘香草童蒙聊拾

破屋霜紅蘿薜暗空齋雨黑倉琅灑歎青衫原不爲琵琶  
年年濕誰耐把殘編緝久嬾向侯門揖筭曹劉沈謝非  
今所急一片月懸闕塞上五更笛落闌干北正匣中刀作  
老龍吟聲於邑

三用回韻與幾士兄言懷并示珍百雲臣竹逸諸同志

蹶盡霜蹄休再問龍城馬邑計決矣我寧作我北山之北  
焉用文之身既隱未常聞仕如斯急見長沮桀溺耦而耕  
趨而揖蘇與苧連宵緝松共桂和雲濕任園官賣苦霜  
畦莧澁米號長腰春碓煮子名蒼耳揮鋤拾問挂來牛角  
是何書淵明集

四用回韻爲幾士兄納姬人賀

桃葉桃根把雙槳親迎隣邑記住在香街直下畫橋斜北  
扶下銅輿鴉鬢妥貯來紹檻鶯啼急暈桃痕注靨道勝常  
羞郎揖繡架鞶鴛鍼緝紅浪皺鸞衾濕學夫人舉止漫  
嫌生姦春嬾一床和月捧親嬌半搦從天拾怪新詞艷粉  
恰盈箱閒情集

懷龔仲震臥疾梁谿

貰菊賒螯記其醉梁谿客夜風不定軟簾輕漾一燈高下  
白髮放顛長忍餓朱門慳酒偏遭罵曉鶴號猶欲挽銀河  
桺中瀉書散誕蕭思話聲嘵喈甘興霸每廁身鎗杓袒  
而行炙老興郎當烏啄肉秋懷浩蕩鷹離架怪新來痺疾  
偃霜簷酸風射

余有懷仲震詞南耕昔在南昌亦與仲震同作老

客遂次余韻亦成一首斐然見示仍疊前韻用  
東南耕并令仲震他日讀之一軒渠也

五老匡廬挂冷瀑長晴不夜秋瑟瑟兩賢相見琵琶亭下  
闊盡江山真欲舞筭來人物誰堪罵倚膝王傑閣瞰章門  
銀濤瀉羈旅恨鄉關話拉龔勝呼曹霸儘雄心耗與冷  
杯殘炙一朶菊花人伏枕半庭荳葉秋除架只幾年踪跡  
最難忘同游射

擁爐

記與雲臣南耕分賦冬詞有圍爐一題今者  
櫛遲省幕縱有紅爐獨擁而已何言圍也賦

此以誌子慨

炙盡烏金銷不了鬢絲微雪依稀聽一城巷杵半樓簷鐵  
撥盡寒灰人語悄跋完官燭鷄聲咽笑西廊鸚鵡也愁寒  
頰頰說小窗底屏風折微酣處爐薰熟但得人圍繞心

情頓別記得常年喧笑語笛床茶臼參差列只侯門獸炭  
柱堆盤增寒冽

風雪行丹陽道中

禿樹僵杉趁玉舞離披作勢經多少斷橋仄礀破樓枯寺  
氈笠裏風嗟歎發笋輿兀雪愁顛躡謝郵亭湯社點紅薑  
招行騎鑿不破琉璃水凍不了魚龍市笑吳兒長鬚有  
船難使凍雀迎人籬角噪村翁傲我墻根睡撒晶鹽迷却  
呂蒙城心如醉

玉峯沈天羽先生詞場耆宿也選有草堂四集行  
世不幸早逝乏亂歲月不居距今已四十餘年  
矣賢配鉦夫人今年舉七十觴有從甥鉦君南

六代爲乞言詞以寄慨

偶爾相關小樓上畫闌凭徧記當日東吳瘦沈才名堪美  
艷句和愁淋舞帕香詞蘸酒塗歌扇只金荃身後竟無人  
爲收管 紹不得垂楊線禁不住飛花片剩孀閨寡鵠雨  
淒風怨轉眼桑田朝市改打頭茅屋裙笄健遶雕梁誰替  
話呢喃鄰巢燕

贈家小阮次山

余所賃城中居卽先殿元故宅也  
階前紅杏一株最繁盛次山殿元

後人  
故云

群從凋零悵家世空餘雙戟筭惟汝過都歷塊龍文虎脊  
我別西溪剛十載數椽聊賃街東宅有壓欄先世一枝紅  
君堪摘 林下酒床頭易吾與汝交相惜笑我今衰矣子  
應努力王謝門風終自在紛紛程李錢寧直向渭陽詩裡  
說鄒陽悲疇昔次山係故友  
鄒程村宅相

訪葉九來園居不遇愛其花木明綺池館崢泓小

憇移時流連不去因憶九來向與余邑某氏歌  
次山之舉 姬有目成之約曾爲作花信詩今某家歌舞久  
散此姬亦入道多年矣詞以示葉用稼軒韵

易識君家不須向長街夾轂古樂府夾轂問君家閒相過主人不在  
滿園空綠蝴蝶輕狂金井畔櫻桃開落銀屏曲隴山鸚不  
省客來游春眠熟 濡落恨飛紅浴繁華夢郵亭宿記筵  
開太守一群香玉今日鍊師新入道當時才子曾貽墨雨  
濛濛燕子上空梁將泥蹴

贈妻東周逸園兼懷毛亦史

舞袖成圍正袞徧箏琶阮笛有一客衆中索我諱聲甚急  
坐上兩行紅粉笑亭邊一夜青衫濕歎雄文老將本幽燕

纔相識 風裂燭喧底黑星絡角晶熒白倘明朝分手後  
期難的第令男兒存意氣休論世事多離別博徒中歸及  
見毛公言相憶

春光甚冶健庵挈我魚墩精舍小憩同潘次耕弟  
開太平緯雲賦

半里春田漸踏到蘿蕪叢裡疎籬外紅橋畫板臥於烟水  
柳線飄時寒食近梨雲凍處東風起把滿欄紫艷嗅移時  
忻然喜 頴士僕康成婢營小築饒名理精舍乃健老紀綱所構有  
玉山彩翠光浮髹几鬪草心情忙似蝶築毬士女多於蟻  
筭春來何限斷腸天無踰此

贈溧陽王叅戎

王名嘉善餘姚人新建後裔有儒將風

小隊城南來踏偏平陵春色迤邐望秣陵鐘阜鬱蒼何極

一片南朝簫鼓地千年北府侯王宅到如今草綠錦衣倉  
成今昔 帳下縛黃皮褶座上拓黃金戟論男兒須學萬  
人之敵家世故侯看射虎江山儒將聞吹笛笑軍中緩帶  
慣繙書當陽癖

同恭士叔岱牧仲飲介子西湄草堂次公戲壁間

韻

水榭清幽宿雨罷奔渢齊漲憑眺處孤城剩壘礮痕無恙  
波靜細延簾閣底草香亂撲紗窗上碧陰陰一陣嫩涼來  
沙禽餉 蓬六扇烟中漾簫一縷潭邊唱况主人還有吳  
羹法釀但醉且尋茶叟竈欲歸徑借溪翁杖想此時纖月  
挂西湄難於狀

秋日登單父城外春秋閣

也委司全集卷十二

七

忠正堂

單父城東堆徧了萬層秋色憑闌望齊疆魯甸一泓晴碧  
此去漸通霄漢路吾生只少翹翔翼繚欄斜百尺俯中原  
空蒼極銅鼓賽松杉直陰雨吼精靈急看蘚衣泥馬曉  
行無迹日落漫添羈旅恨時危專藉匡扶力讀春秋武帳  
燭花紅鬢如戟

秋日經信陵君祠

席帽聊蕭偶經過信陵祠下正滿目荒臺敗葉東京客舍  
九月驚風將落帽半廊細雨時飄瓦柏初紅偏向壞牆邊  
離披打今古事堪悲詫身世恨從牽惹尙君而尙在定  
憐余也我詎不如毛薛輩君寧甘與原嘗亞歎侯羸老淚  
苦無多如鉛鴻

梁溪顧梁汾舍人過訪賦此以贈兼題其小像

二十年前會見汝寶釵樓下春二月銅街十里杏衫籠馬  
行處偏遭嬌鳥喚看時誰讓珠簾挂只沈腰今也不宜秋  
驚堪把且給箇金門假好長就旗亭價記爐烟扇影朝  
衣曾惹芍藥纔填妃子曲琵琶又聽商船話笑落花和淚  
一般多淋羅帕

故友周文夏侍御沒已及十年矣幼女在閣尙未  
字人少司馬山左孫作庭先生興懷宿草特爲  
令子議姻荆溪人士高其誼爭作詩歌以咏之  
鄙人太息亦填此詞

江左周瑜年少日雄姿歷落記十載霜飛獮豸風生臺閣  
宦蹟遽如春夢短人情劇似秋雲薄舊平泉早付綠苔生  
都非昨問鮑子今難作憐弱女憑誰託賴同官偏念曩

時花萼高誼漫言齊偶大華堂定讓韓居樂翟公門一曲

鼓求凰驚羅雀

萬脩承五十用呂居仁韻

北郭先生門恰對峯廻澗曲且小隱漁莊蟹舍長廊矮屋  
雨過拍茶香作雪日高煨芋酥於玉向紅塵不到處逍遙  
襟衫綠林灑灑烘楓菊濤瑟瑟鏘梧竹間貂蟬簾笠誰  
榮誰辱豆架瓜棚三徑在黃雞白酒千場足便水田今歲  
不會收來年熟

秋杪同南耕魯望弟過東郊外殿元叔祖廢園感賦

醉袖籠鞭正杏苑一枝新奪歸臥處溪山窈窕亭臺層疊  
松籟梧烟繁客夢溪茶潤笋腥人渴羨昇平江左玉堂仙

風光別繁華事行人說妻涼債今生結又鴟黃蘚綠斷碑殘碣細雨零星漁榜火亂鴉颯杏僧龕月記小樓一片  
伎衣紅年時節

琴奕雙清爲閻牛叟

牛叟兌閣遺徽曰妻善奕花下與諸女劇必招予予笑謝

朴直指

于琴不由師授以意成講巧合自然

綠齒擣蒲愁狂煞他家兒女笑此是牧豬奴戲何心共賭  
懶凭繡床描蛱蝶愛拈紅子爭龍虎恰偏逢郎手劣于儂  
降幡舉奩乍歛墻陰午香半爐燈花吐逗琴心忽入海  
天寒處時世幾多爭笛耳蛾眉也解英雄苦春崩騰只把  
漢宮秋臨風鼓

壽海寧家始升六十

風景清佳天氣是梅前菊後弧懸處高軒列戟軟簾堆綉

龍笛鵝笙喧午夜衙香宮錦圍晴畫笑吾宗今日又重逢  
圖南叟搖鐵鳳蟠金獸相府畔沙堤右筭家門華貴於  
公何有坊曲漫勞誇韋杜文章要使羅星宿看佳兒新醞  
桂香濃爲春酣

送葉桐初還東阿卽次其與曹雪樵倡和原韻  
若且歌乎急配以哀絲豪竹念來夜故人一去月明人獨  
風吼軍都山忽紫雨收督亢天全綠笑好官幾箇讀書來  
休耽讀吟復寫螭蟠幅富與貴蛇添足但逢花便揀有  
泉須掬建業雲山通地肺姑蘇烟水連天目筭穀城雖好  
不如歸眠鄉曲

壽寶抵杜相國

萬國河山平似掌九天花鳥紛如繡正黃扉暫闔袞衣閒  
娛清晝房與杜齊台斗李與杜豪詩酒筭文章勲業公  
俱不朽八餅茶分龍鳳碾萬釘帶壓蛟螭紐看無邊紅燭  
下朝來爲公壽

聞往歲帝城烟火之盛甲子天下今年元夜作客  
都門適逢新禁裏然獨坐詞以遣懷

夜火春宵說此地上元尤勝烟焰裡烘桃炙柳飄梅炮杏  
繡羽花冠筒內放緗苞翠蔓竿梢映紫葡萄十丈滿池蓮  
絲絲凝瑪瑙寺鞦韆競琉璃廠箏盛更錮車麝帕嬉  
遊不定今夜鳳城偏寂寂一燈微耿人初病只角殘吹到  
第二聲何心聽

迦陵詞全集卷十二終

迦陵詞全集卷十三

宜興陳維崧其年著

崑山龔 賢半千

弟 維岳緯雲  
宗石子萬 參閱

錢塘汪 霽東川

男履端

校

莆田林麟昌玉巖

選

安平吳 璞真若

姪賜薛

校

梅子黃時雨

本意

天水空濛只將暝織愁催雨添恙乍過了東風楊花一桁  
彈指還驚仲夏蕭蕭簷瓦跳珠響葡萄漲鳩婦喚晴鳧母  
眠浪 惘他鄉誰傍筭爐薰藥裏聊自屏當料故國樓  
頭茶烟新颺豆綠缸中梅水滿何時小啜龍團餉苔衣長

贊得苧衫難棄

雪梅香

和竹逸再遊石亭看落梅原韻同雲臣賦

梅將謝臨風招手喚重游恰瀰瀰照浪愁情嬾比眠鷗低  
撲村庄紈扇巧亂飄溪閣粉茵稠綵綿弄雪送清芬與夢  
俱幽再來增悵望滿逕瓊姿零落誰收拾取殘英注來  
花乳磁甌縱使暗香埋隴畔勝於飛絮舞街頭回首幾  
枝含淚正倚山樓

埽花游

早秋同雲臣詣竹枝庵訪寒松上人時上人將往

龍眠用片玉詞韻畱贈兼志別懷

帽絲亂舞暑退涼生一派嫩陰閣雨繞村去遙見支公微笑迎處相別彈指許又竹翠沾厨荷風凝路茗鑑筍俎  
帳來朝愁聽江船擣素任是空王也稔離情淒苦漫延佇  
怕催歸花宮浴鼓

紅情

咏半吐紅梅

一枝凝曉似絳蘚浮釭錦鱗拍沼搓透猩絨賣弄愁嗔許  
誰拘莫是羅浮人困珊瑚枕上小鬟新覺正睡暈初圓偷倚  
綉奩照料峭年猶少更酒入潮生春來靨笑嬌香趁早  
休賺夭桃見時惱幾顆朱櫻綻口甚日茜花壓帽倩紅淚  
將絳裏灑他開了

滿庭芳

紀夢

述因詩全集卷十三

二

思立堂

黃入東風綠來南內夢中春水玲瓏箇儂香粉鬢髮也曾  
經還是簸錢堂上當年事有影無形高樓外珠圓鶯脆隔  
院已聞聲衷情渾欲訴新愁點點舊恨星星奈一場春  
夢不甚分明此際銀燈耿耿羅衾濕紅淚如冰難分手滿  
街細雨愁煞夢回程

談長益携具招游八公巖

水寺施烟山樓嵌雨日長經院無人茶香竹翠也算前  
因獸窟山前精舍參差處欲斷還勾依稀似鳬雛鴈子零  
亂不成群逡巡思昔日戴顚故隱往蹟沉淪漸櫻桃熟  
後梅又生仁憔悴鬚絲禪榻十年事更與誰論空歸去數  
聲惆悵行過米顛墳

過遼后梳粧樓

細馬輕衫西風南苑偶然人過金溝道旁指點遼后舊粧  
樓想像廻心宮院錫箏歎含淚梳頭青史上武靈皇后一  
樣擅風流堪愁成往蹟繚垣敗甃滿目殘秋便脂田粉  
礧零落誰收莫問完顏耶律興亡恨總是荒丘紅牆外誰  
拋金彈年小富平矣

題顧梁汾舍人扈 駕詩後

萬乘旌旗千官羽獵翠華絕塞重經珠鞭玉靷日黑虎風  
腥羨爾金闈年少陪游幸鳳輦龍庭霜天曉柘黃袍出一  
騎按秋鷹至尊親講武火城漸杳交綱猶局更北平城  
外嶺斷雲橫飛轍傳宣七校黃羊酒前隊教停琵琶歇碧  
天氈帳一曲海東青

過虎牢

近陰詩全集卷十三

三

忠正堂

汜水東來滎陽西去傷心斜日哀湍橫鞭顧盼又過虎牢  
關歎息提兵血戰西風響一片刀環英雄淚亂山楓葉不  
待曉霜丹追擊當日事炎精未造遺恨靈桓又許昌遷  
駕不肯回鑾今古興亡轉換誰相問剩水殘山憑高望漢  
陵魏殿一樣土花斑

距汝州四十里山有溫泉相傳爲唐武后幸洛時浴處

武媚東巡金輪春幸洛川自古神州風光溢目採仗簇星  
毬聞道香山山下湯泉沸玉灑瓊流傳駐蹕石榴裙濕激  
水奉宸游六郎宣詔入蓮花一朶相映嬌柔趁晚涼閒  
話水殿雲幃千載朱顏難待傷心似太液池頭淒然也驪

山浴館一樣野花稠

咏臘梅和京少韻

仙淚流銅鋗脾釀蜜聖檀初傅新粧冰簷雪甃帶暝亂斜  
陽自是羅浮別種依稀臘金粟餘香王孫彈枝頭萬顆偏  
惹畫簾長繞廊應錯認宛如梅子熟後輕飄想宮人入  
道絰帳都黃一段冷魂幽緒扶疎態誰與擎將春來也紅  
紅白白讓爾冠羣芳

玉簪花

築粉偏溫鏤脂却燠一枝顛影難休涼軒滑簾常傍晚粧  
樓幾度枕邊輕墜聽不出釵響悠悠尋覓取依然未臺扶  
切凡器破而未離者曰臺重上玉人頭開時剛淺夏曉來笑折人意  
先秋正睡餘夢遠翠幌空幽每被鬢絲籠住香風動絳蝶

先偷玲瓏極鄰姬誤認卸取節秦謳

暮秋梁溪南郊看菊紀游

雨坼池蓮霜彫巖桂愁錢臨去秋光城南漫興步屢趁林  
塘歎息人家兵後莓苔偏廢井頽牆溪橋畔柴門半掩籬  
落未全荒 烟庄經幾處嬌紅淡粉壓疊成行恨花繁境  
窄姿態難詳最後一園差勝軒榼外亂石疎廊西風勁催  
將菊瘦餘力裊衰楊

丁巳元夕後三日謁別駕林天友於長洲官署賦

贈

森森長洲離離茂苑無邊草色連空兩番借治歡笑滿吳  
宮一自睽離絳帳相思切早理烟篷平波遠誰吹五兩幾  
陣落燈風 忡忡憐別後鸞飄鳳泊竹嬾絲慵凝酒酣訴

與忼慨從公憶昨探梅摘蕙銅官下曾傍游筇經年矣春

來鄧尉香雪又濛濛

今春梅候余適買棹吳門乃因循羈紲不及爲鄧  
尉之遊正深悵惋及過里門而枝頭香雪已零  
落畧盡矣會放公以梅下見懷詞并雲臣和章

相示漫次原韻

二月新晴東風作陣吳天梅訊頻催伍塘飛棹恰過浪花  
堆聞說疎香冷粉銅坑畔萬樹齊開真辜負闔閭城下容  
易放船回 沿洄歸罨畫閒賡綺韻觸緒增哀想一枝瘦  
玉曾綴經臺我是湖州杜牧成陰候側帽纔來明年事相  
期花下莫放淺深杯

咏西府海棠

滿院紅綃半樓絳雪幾叢艷冶成圍倚欄無力嫩柳鬪腰肢粉壁銀牆淡雅明粧坐人是瓊枝東風動花光映肉桃暈入水肌胭脂剛蘸雨一番梳裹別樣芳菲似六宮畫暖睡重楊妃贏得三郎一笑花前閑急管繁絲豪華甚千堆蜀錦那用杜陵詩

五日玉峯競渡用梅村詞韻

菖歎芳筵葵橘綺節一雨涼透重湖綉旗畫鼓蘭桨劃菰蒲多少唐陵漢寢千年恨遠近楸梧休憑弔玉山將倒翠袖可相扶狂夫狂更劇花顛酒惱脫帽喧呼喚湘累與汝美醞同沽收拾金簫玉管崑峯好晚髻新梳家鄉憶層層水榭紅縷漾釵符

贈表兄萬大士

舊臨

少日情親兩家中表羊車競戲階前雕虫薄技里塾又隨肩彈指渭陽凋謝烏衣巷蔓草平田誰能料童時伴侶相對兩華顛中年拋艾綬柴門罨畫三徑蕭然憶相州鄴下宦蹟流傳購得銅臺繡瓦歸吟吟寫夜雨朝烟殘生事酒鎗棋局此外總由天

咏宣德窑青花脂粉箱爲萊陽姜學在賦

龍德殿邊月華門內萬枝鳳燭熒煌六宮半夜齊起試新粧詔賜口脂面藥花枝裏笑謝君王燒甕翠調鉛貯粉描畫兩鴛鴦當初溫室樹宮中事秘世上難詳但銅溝漲膩流出宮牆今日天家故物門攤賣冷市閒坊摩娑怯內人紅袖慟哭話昭陽

水拍晴橋山銜春店飛花落絮悠颺打魚放鴨四月好年  
光此地林巒絕勝家家足碧澗幽篁斜坡上碎瓶敗甓零  
亂補圍牆鳴榔思往事峨嵋仙客曾駐吾鄉惹溪山千  
載姓氏猶香今日紫姑聖女喧村賽畫鼓明粧殘碑在獨  
憐野草漸沒古祠堂山上俗有所謂娘娘廟是日香火最盛居民奔走如驚而書院滅沒荒烟淡靄間無有過而

問者詞以志慨

吾邑茶具俱出蜀山暮春泊舟山下漫賦此詞

白甕生涯紅泥作活亂烟細裊孤村春山脚下流水浴柴  
門紫笋碧鱸時候溪橋上市販爭喧推蓬望高吟杜句旭  
日散鷄豚田園淳樸處牽車鬻畚壘石支垣看鷁羹撲  
滿磊磊丘樊而我偏憐茗器溫而栗濕翠難捫掀髯笑盈

崖綠雪茶事正堪論

汴梁客舍同馮夢庵夜坐夢庵出梁溪閨秀永愁

人詩稿示余凄然賦此

馮衍長愁陳思不樂相逢同客東京烏啼落葉惆悵可憐  
生無忌館今何處河聲怒攬着砧聲秋宵永幾楞粉月晒  
得綠窗晴鶯鶯聞尙在詩人老去一倍含情且開箱驗  
取錦字縱橫料爾銀釣未寫檀牋上珠淚先盈休腸斷青  
衫紅粉一樣是飄零

丙辰元夕

戰馬千群戍旗一片江東月又剛圓凝粧艷粉何異太平  
年樓上冰簾絳蠟參差弄鳳管鵝絃樓兒下金蟻玉蘭風  
景倍嫣然碧天何限事一生能得幾度燈前况春城不  
禁拾翠尋鈿忍負衫紅釵紫生生博圖畫凌烟歸來晚闌

珊瑚夜火人立小門邊

林天友別駕招飲同雲臣賦贈

荔浦樓臺榕城甲第相門群美賢甥詩篇宦蹟雙鬪早梅  
清幾度桃花浪煖賢勞最轉餉神京纔歸也楚天在望又  
聽夜猿鳴山城父老說孝侯一去蛟虎縱橫憶使君前  
事千載齊名昨夜張筵召我行春暇綠酒紅笙剛過雨新  
鶯語滑喚起月盈盈

花朝後一日林天友邀同雲臣爲南嶽之遊詞以紀事

翠榜欹烟紅船委浪水簾低捲晴暉曉山欲笑迎我在春  
磯歇馬誰家園子游絲靜嬾上人衣憑欄望樓臺易主金  
粉未全非霏微小雨過花籠寺閣瀑濺僧扉正使君愛

士野客忘機斜日仍搖畫艇紗窗掩玉枕頻揮城頭望半  
溪燈火爭認醉翁歸

清明前一日同雲臣溪干觀劇

近水人家弄晴天氣清明恰是來朝曉鶯無賴喚我驛邊  
橋多少歸寧溪女花枝颺香粉輕飄疎離畔蘭芽杏莊開  
到十分嬌垂髫剛十五新聲解唱滌水紅么憶少年同學  
半捕華貂我向江村潦倒新年恨比舊還饒鞦韆社東風攬碎戲鼓賽神簫

毫村舊宅之東有屋一區名開遠堂堂頗弘敞乃

先農部伯父別業也堂久已不存門內且貯爲  
酒肆矣賦此志感

宅列光延門齊通德君恩曾賜山莊勝衣膝下粉署半含

香白皙華貂揷鬚東頭屋綠野名堂依稀記畫簷鳴吻燒  
作紫鴛鴦滄桑今已換葦花楓葉一片蒼茫剩戟門未  
拆酒旆新颶土銚誰人競唱邊州調白草黃麌繚垣外西  
風吹到憔悴舊家郎

壽王敬哉先生用棠村詞韻

菊尚拖黃梅將凝粉安排晴日開筵錦笙畫鼓譜出鵝鴨  
天兩世尚書門第朝回後繡轂紛然華堂上昇平保傳豐  
鑠地行仙名園飛霰後銀燈火樹雪月光聯要粧成瑤  
圃映上紅箋海畔群真介壽驂鸞渡弱水三千馳封賜汪  
汪綠蟻猶裏鳳樓烟

壽大司農梁蒼巖先生

黃閣勲名黑頭卿相璠池第一神仙蕉林書屋烟景勝平

泉珠島花洋萬里牙檣送南海歸船還朝後錦袍茜袖長  
侍紫宸前華筵群獻肇昇平法曲象管鶯絃有尚書紅  
杏麗句親眞歲歲鳳城今夜陽回處暖在春先細梅綻風  
光正好次第到鞦韆

山陰沈躬範婦陳夫人好讀書年二十三天卒卒  
之日囑以平日所誦書籍殉冢中一時皆作詩

以哀之余亦爲賦此闋

人偶言愁僕原多恨說來也替神傷越溪有女十五嫁王  
昌人在水晶簾底簪花格日倣千行纔梳裏濕蟬未歛便  
自理鉛黃梅粧容易謝皇墳汲冢雪魄同藏抱夜臺吟  
誦月冷楓香何必玉魚金盃遺編在還累蕭郎羅裙壞草  
生書帶不化紫鴛鴦

梅子生仁柳綿着水翠陰滄滄遮牆新裁綵袖愛趁日初  
長立馬都亭送客鞭絲颺帽影低颺凝情處暮雲堆碧姑  
爾作輕裝 霞觴歸捧候黛添艾葉紅入櫺房有江鱸籬  
筭足膳高堂路次毘陵水驛應相見陽羨山光憑君說倚

闌游子脉脉只思鄉

吳門管烈婦夫亡殉節詞以紀事

鏡掩離鸞絃摧別鶴千秋形史畱芬機中錦字長恨與誰  
論一自磨笄人杳成灰後蝶化羅裙人間事依然花月空  
館總無春 夫君憐彩筆土埋玉筋雨打黃昏痛梨花一  
樹同散朝雲贏得巫簫社鼓胥江畔歲歲迎神憑誰畫啼  
斑滿竹別樣管夫人

送吳初明南還秣陵

颯杏寒鴉聊蕭東葉西風壓雪將低蘆溝南下立馬惜分  
携此去鷄籠山館江梅瘦恰與簷齊都門事牆頭過酒爛  
醉嬾重提 當時臨發日王郎作畫送別青谿看無多幾  
筆不數迂倪勿論風流二老相關甚正有鄰奚長鬚到歡  
迎隔浦仍是杜家稽初明北發時王安節圖書相送畫上作兩人臨風揮手一童子荷擔將行  
一童子牽擔立爲拂攜琴劍諸器具戀戀殊甚故篇中及之阿段阿稽杜甫家童奴名也

中元節途次蒙陰追悼亡女

庾氏苟娘左家嬌女慰情誰道非男銘椒頌菊畧涉也粗  
諳每歲因爺作客恒歸伴阿母香奩天涯信燈花囁子頻  
向紫姑占 江淹何限恨半生婚嫁怨極愁添只今朝五  
岳敢詡幽探惆悵中元令節家山事梵唄莊嚴蒙陰畔兩

行紅淚寄不到江南

題徐武貽小像

武貽文貞後人椒峯愛仲母舅舊許爲之題像今翁已沒始追補成

之

碧篠千竿紅蘭一架松濤韻雜笙竽科頭箕踞旁置小風  
爐回首文貞舊業淒涼絕綠野荒蕪牢之好家傳宅相名  
已動京都躊躇當日事記曾撫掌爲我披圖擬閒題數  
語貌爾清癯詎料山丘華屋重來處此諾還逋徐君墓未  
成挂劍聊報秣陵書

徵招

送宋性存歸吳門

一燈分做還鄉夢君今果然歸矣殘月曉風天暫挽君雙  
袂柳條今勝幾待折贈沉吟無計君到江南定逢梅放也  
邊有倚闌心事暮雲千萬里留我作天涯游子我亦有茅  
屋三間六朝斜照裡

爲王瑣湖編修悼亡

柿葉翻時人病起淒然悼亡新賦畫篋儘伊搜奈蕙發先  
去元和才子恨拚細研鳳牋零譜不分西山風前還鬪舊  
年眉嫵故國水雲多曾側帽共聽半船疎雨粉腕研鱸  
香更翠萼凝筋如今秋夜笛只遞入客窗偏苦繩蜘蛛絲丁  
字簾西記有人行處

爲尤悔庵悼亡

蕙叢去後微之怨當時韋娘年小別後鏡鸞分悵天涯人  
老小屏歸路悄怕重疊吳山清曉此夜遙憐水哉軒畔月

明多少侍史慢薰衣金門啟愁聽穿花漏早剔燭鼓冰  
弦又犯些商調彩毫憑起草錯認畫遠山眉稿不信是白  
玉爲堂頓玉臺人杳

迦陵詞全集卷十二終

迦陵詞全集卷十四

宜興陳維崧其年著

泰州鄧漢儀孝威

弟維岳緯雲

參閱

合肥李天馥湘北

第宗石子萬

參閱

商丘宋犖牧仲

男履端

校

錢塘毛騤馳黃

姪賜薛

校

水調歌頭

被酒與客語

老子半生事恍慨喜交游過江王謝子弟真巷典華驥曾  
記獸肥草淺正值風毛雨血大獵北岡頭日暮不歸去霜  
色冷吳鈞今老大嗟落拓轉沉浮疇昔博徒酒侶一半  
墮荒丘閉置車中新婦羞縮嚴家餓隸說著亦堪愁我爲

若起舞若定解此不

題余氏女子繡西施浣紗圖爲阮亭賦

婀娜針神女春畫繡西家聞道若耶溪上漾水漾明沙爲  
憶吳宮情事暮地養娘來至羞臉暈朝霞忙向屏山畔背  
過鬢邊鴉一春愁三月雨滿欄花西施未嫁當初情緒  
記些些靠着綉床又想拈着鶯針又放幽思渺無涯一幅  
絛絹也錯認越溪紗

宋荔裳曹顧庵王西樵招集劉峻度葭園卽席限

韻

鉢犢朱扉外寶鴨畫堂中重逢把酒飛蓋倍覺旅愁空人  
有庾徐潘陸坐有樓臺絲竹那減晉人風慎莫賦悵悵亟  
爲拉紅紅吾醉矣布金戰倚長弓不改狂奴故態耳語

有羣公官是金閨貴客身是畫溪愁客客自不相同起覓

鐵綽板高唱大江東

送宋荔裳觀察入都并寄蓼天司業同顧庵西樵

賦

酒冷天寒日人去客愁中數行鉢蟬柱雁祖餞出城東衣  
上青天明月馬上黃河飛雪雁背染霜紅如此作裝急磊  
砦想桓公千斤椎七寶轡百石弓從奴賓客所過棧馬  
嘶殘通定過淮陰祠下更到望諸墓上懷古颯悲風若見  
蘇司業言我鬢成翁

畱別阿雲

真作如此別直是可憐蟲鴛鴦廝薰正煖別思已匆匆昨  
夜金尊檀板今夜曉風殘月踪跡大飄蓬莫以衫痕碧偷

搘臉波紅 分手處秋雨底雁聲中廻軀攬持重抱宵箭  
悵將終安得當歸藥缺更使大刀環折萍梗共西東絮語  
未及已帆勢破晴空

舍南庭前牡丹將放詞以催之

峭冷侵金鴨乍煖熨銅龍東皇好景何限相別苦匆匆二  
十四番花信一百五朝寒食幾陣酒旗風豆吐蠶婆綠花  
綻鼠姑紅 畫欄西綺窗北錦城中姚黃何事羞澁媚臉  
未全融速辦慈恩車騎并倩華清鉢笛邀取謫仙翁早放  
木芍藥慢舞玉瓏璁

咏美人鞚韁

昨夜湔裙罷今日意錢回粉墻正亞朱戶其外有銅街百  
丈同心綵索一寸雙文畫板風颸繡旗開低約腰間素小

摘鬢邊牌 翩然上掠綠草拂蒼苔粉裙欲起未起弄影  
惜身材忽趁臨風回鶴快作點波新燕移落一庭梅向晚  
半輪玉隱隱照遺釵

夜飲季端木齋中歸忽爾飛雪填詞奉柬并懷尊

甫孚公

昨夜醉君酒歸路雪飛花淋衣那更裂燭袖禿不禁遮粧  
徧瓊樓萬瓦凝透納官千幕凍殺冷蝦蟆紙破苦拉雜柱  
朽怕槎枒 吾笑我寒至此獨何耶愁時恨不倩汝爲我  
與箏琶忽憶峨松尊甫孚公作  
錢塘丞 今夜斷橋晴雪吟興定  
然佳客睡幾曾着城上咽悲笳

雪夜再贈季希韓

海上玉龍舞綠作滿空花城中十萬朱戶瓊粉亂周遮愁

對一天飛雪不見昨宵明月桂影飮金蟆短鬢颯秋葉僵  
指蠹枯朽當日事須細憶詎忘耶記築毬場擣笛却手  
復爲芭縱不神仙將相但遇江山風月流落亦爲佳豈意  
有今日側帽數哀笳

立秋前一日述懷柬許豈凡

將相寧有種豎子半成名蚍蜉切莫撼樹聽我短歌行薄  
俗人奴笞罵末路婦人醇酒一笑萬緣輕夫子知我者試  
與說生平研豪豬炙走兔掣長鯨群儒醒醍可笑我自  
習縱橫明發西風削草且約博徒會獵小趁一秋晴鬚作  
鷹毛磔箭作餓鳩鳴

題友人詞并示方鄭大臣

歎英雄作事萬象雪中鴻爪一過已忘情倏忽謝歌舞寂  
寞掩柴荆新詞句真磊落太縱橫我作致師樂伯摩壘  
更靡旌爽若井州快剪又若短兵狹巷殺賊不聞聲舉以  
示二子大笑絕冠纓

送惲南田之錢塘并柬毛稚黃

躡屩上靈隱吹笛下吳淞送君恰值新爽織月印船篷猶  
憶冷泉亭上百道跳珠噴雪飛瀑挂杉松一別十八載吾  
老漸成翁故人去携筆墨寫空濛不知老已將至揮灑  
醉偏工爲訊鹽橋毛子果否別來無恙底事斷詩筒人世  
作達耳長邑鬱焉窮

贈西陵周勿庵勿庵精日者家言任俠滑稽多金允綠幘之游背微僕

拍手唱銅斗踢地舞廻波世間窮達有命擾擾若之何收

罷百錢簾下雨後一街人少客有獵纓過僕病坐磨蝎君  
醜類鷄窠如箕舌蟠其腹口懸河眼中只愛綠幘誰解  
愛青娥頗怪丈人痴儻却恐舍人冗暑戲語莫相呵絕倒  
黃幡綽撫掌敬新磨

題遠公畫洞山圖送天石北上

何以贈行卷而作洞山圖旁人拍手大笑畫者復誰歟此  
去燕姬馬渾况足金莖仙瀣茗婉酷非須卿復携來否長  
柄有葫蘆掀髯語畫此者定非迂敗盡朱門酒肉只此  
味清腴縱挾綾文三百日給龍團鳳餅曾似故園無十丈  
紅塵裡一幅冷秋菰

送原白北上

莫作戀豆馬直學脫韁鷹送君殊魏刷趙萬里慨飛騰頻

怪今人離別出戶定然復入刺刺實堪憎似爾最颯爽物  
態直憑陵公子去臣宜從病未能行也勉旃努力勿復  
憚炎蒸爲我慈仁閣下寄訊支離老叟短髮定鬍簪待我  
上元候同看鳳城燈

畱別澹心卽用來韻

離別亦常事惆悵慎毋然歸舟一路弄笛吹裂水中天猶  
記吳趨坊後再到惠山松畔兩地酒如泉不久聚花下小  
別向風前白翎雀鶴叫子想夫憐岐王空宅舊日法曲  
散如烟君有龍文百軸近作小詞一卷千載定流傳早覓  
賀懷智亟付李延年

橄欖

造物有本性此味最高嚴清芬却帶酸澁品格壓黃柑多

少橘官輒美無數荔奴甘滑側目看新參諫議爾之職  
羣我何堪析煩熾開結嗇滌塵凡頗聞人語輸與崖蜜  
十分甜長揖水晶人退不詣內黃侯謝徑自返漳南獨醒  
頗相憶搖落在江潭

瑕名水晶人  
蟹名內黃侯

萊陽姜如農先生前朝以建言予杖遣戍宣州會  
遘甲申之變不克往戍所僦居吳門者幾三十  
年癸丑夏先生疾革遺命家人曰必葬我敬亭  
之麓其子勉仲學在從之聞者悲其志重其節  
私謚之曰貞毅先生維崧填詞以代迎神送神  
之曲焉

東海黃門老疾革話悲酸呼兒吾骨累汝霜翦一燈寒休  
返田橫島上何用要離家側莫恤道途艱憊奉重華命遺

往敬亭山三十載憐弱水幾回乾鐵衣生旣未着鬼亦  
成其間此地層崖杏嶂正接蔣陵鐘阜紫翠湧千盤若有  
人兮在竦劍守重關

早秋託興

秋色一天雪林壑映新暘皎如三尺新水出匣漾干將亟  
敞杉窗竹院要使金風玉露灑濯我軒廊颯爽上眉宇皎  
潔到衣裳小樓上望極浦太微茫估船夜笛江上併作  
十分涼安得中原豁處飽看出櫂蒼狗大獵一千場浙罷  
刀頭米射殺鹿邊麌

平遠堂雨中卽事林天友使君席上同曹顧庵丁  
薔園胡存人吳香爲園次六益余澹心尤悔庵  
宋旣庭錢宮聲顧云美伊人天石趙旦兮毛行

九分賦共用烟字

通鑑詩全集卷十四

忠立堂

千古鶯花窟四月雨晴天闌干一望平遠濃淡石湖烟催  
取茶鎗酒幔喚得爭師遂伎來做餞春筵且起舞回鶻休  
去聽啼鵠 鶻未半風乍起雨鏗然嗟峩古塔將壓抉屋  
勢斜穿萬斛鈴音鐸語四壁鯨咷鰲擲劈幾條絃脫帽  
叫奇絕此景倩誰傳

讀董舜民蒼梧詞題後

老屋數間耳世事不關渠堆牆牛腰困蠹巨束筍般蠶中  
有奇文兀臬每夜必騰光怪鱉鰐與鯨咷力壓古聲叟氣  
懾萬獫奴 珠零亂玉天嬌翠模糊我行以手捫摸作此  
定誰歟旣似苔紋瓦篆又似碑殘鼓鑿字裡吼於菟乃是  
蘭陵董詞集曰蒼梧

畫樓詩爲西陵吳子興賦

有客向余說昨又到湖頭湖中翠奩未歛湖畔水明樓萬  
本澄心堂紙千頁大觀樓帖百幅李營丘盤礴此樓上縹  
紗紫綿裘 風弄麝波漾縠浩悠悠湧金門外新月聽足  
采菱謳分付危欄飛檻莫遣于祠岳墓烟景觸簾鉤貯酒  
兼貯茗不貯古今愁

渡長蕩湖望三茅峯

我住太湖口四面匝烟鬟周廻縈青繚黛中托白銀盤且  
縱龍宮一葦耕破瓊田萬畝笑傲水雲寬蓬背唱銅斗沙  
尾辨金壇 雪浪吼大魚出轟如山茅家兄弟笑我前路  
足風湍君自駿鸞翳鶴我自騎鯨跨鯉各自不相關揮手  
謝之去吹笛弄潺湲

睢陽寓館感舊題壁

惆悵復惆悵直視草茫茫風搖葵子蕡葉蝶網上空牆滿目西州門內轉眼黃公爐畔前事惹思量搖膝并負手達柱更循廊天欲黑燈半綠月微黃中年哀樂何況人又在他鄉飄去嬌絲脆板畱下殘香剩茗狼籍小紗窗撥置不足道念此斷人腸

送侯叔岱之彭城

酒罷忽不樂結束挽強弓彭城此去蒼莽水蓼滿陂紅戲馬臺邊騁望下有河流似弩混混盡魚龍吾意欲起舞屈指幾英雄斜陽恨關山影一杯中袁曹劉項付與烟草沒孤鴻莫管千秋閑事休悞一生作達笏吹競西風盼盼去已久明月小樓空

夏五大雨浹月南臥半成澤國而梁溪人尙有畫舫游湖者詞以寄慨

翠金一朝裂銅狄盡流鉛江南五月天漏煉石補仍穿驟若澑龍噴沫狂比長鯨跋浪廬舍沒長川菱蔓繞床下釣艇繫門前今何日民已困况無年家家秧馬閒坐墟井斷炊烟何處玉簫金管猶唱雨絲風片烟水泊游船此曲縱嬌好聽者似啼猿

憶商丘宋介子西渭草堂

雪苑女墻外水色綠於苔郭南潭子尤勝森森浸樓臺長記昇平舊事彌望風亭雨榭盪槳百壺來誰向亂前說說罷使人哀西渭好憶客夏寄高齋南京爲余細稼棐几淨纖埃君笑熟由卿至僕笑羨應還我戲語類優俳搖櫓

沒烟去背指野棠開  
徐陵奉使至魏人宴之是日甚熱來齊沈文季與魏崔祖思在高帝前戲爭羨謠爲吳食祖思曰包鼈膾鯉似非勾吳之詩文季曰千里尊羨豈關魯衛帝笑曰尊羨固應還沈

新秋寄驥沙徐仲宣

秋色潔於雪澄湛到簾鈎憑軒憶爾更劇君亦念余不記客泉亭草寺閒弄吟蓬釣笛相與狎沙鷗一笑別君去四節忽如流大江邊殘照裡仲宣樓烟波蝦菜料爾生計儘優游此地孤城絕島長被蛟涎兔汁鍊足一天秋橫竹吹阿濫呌醒古今愁

溪泛

誰送半城綠恰是兩溪風茫茫銀濤雪浪天水有無中每到簾紺平處不覺水香肥極一色玉玲瓏最惱閒鷗鷺偏中流發乃是綠蓑翁

題毛會侯戴笠垂竿小像

水色綠如鴨又似乍磨銅韓紋細浪忽起颯颯夾溪風數里江村茆屋一帶蘆汀蟹舍下徧釣魚筒雲作蔚藍纈襯以晚霞紅燃楚竹炊香糯五湖東新來溪友堪訝乃是大毛公贏得眾師拍手汝有金貂玉佩詎是綠蓑翁笑起唱銅斗餘響落蛟宮

汾西侯仲輶示我九日紀夢詞二闋依韵奉和

月落邊牆黑幾扇鴈門開蒼然西極風雨都向二陵來聞說胭脂小伎能唱橫汾舊曲家傍古輪臺我欲與之語紅

粉最憐才飲醇酒近婦女莫疑猜世間餘子何限兩手底須推安得飛狐峪口借汝吹簫擊筑一日笑千迴綠酒不曉事有悶未能排

一笑老松下握手亦前緣昨宵黃花節候妬汝小游仙推道巫雲入夢誰料玳筵真箇事已徧流傳我在銀笙底偷譜鵝鴨天追代馬挾趙瑟是何年兵家女有殊色可許阮公眠詎少朱門絲管那抵青樓簾檻如鏡復如烟天上

兌華滿只照別家圓

毛會侯席上限咏鹿脯詩詞以代之同王惟夏方

雪眠毛大可允大諸君賦

那曉魯公帖有手且飛觴觴行更催勞脯此樂甚堂堂笑寄鹿皮翁語乃有神仙上界欲以汝爲糧玉饌莫深恨底

事不潛藏呼畢卓牽阮籍態頽唐百年所得有限不若醒而狂熟酩何須痛飲明日北風大作結束上平岡箭作餓鴟叫袒裼獵黃麋

元夕前董楞亭至都下楞亭昨歲射陂遇盜身被重創患不克來今則來也詞以志喜卽用楞亭

見贈原韻

月黑淮南縣卽駁正關門門前聲息洶洶勢若雨傾盆斫臂霜刀攢蝟燎瓦狐燈掣電駭絕洞心冤詎復有活理遑暇顧琴尊重握手驚往事剪燈論追思胥江酒伴只我與君存三客弱來一箇謂葆公又幾爲異物軟語剪難分抹眵細相認老眼日來昏

酬別沈鳳于卽用來韻

君住馬溪上我住漏湖中平生酒顛花惱此事那輸公自逐鶴班鷺隊回憶線君檀板甚日恰重逢也料秋江畔開到粉芙蓉人世事枝向背絮西東青山見人分袂替作別時客縱使錦袍入直詎抵綠蓑聽雨釣艇漾晴空他日訪君處烟水定留儂

庚申五日

又是女兒節何處貰香醪艾裝碧虎閃爍與汝復相遭回憶家鄉此際不少癡兒駛女綵鷁綉旗搖惑起一川雪崩落半空濤渚宮遠澧水濶恐難招古來陳事何限細數總今朝楚國湘纍自苦齊國薛君自樂一笑等鴻毛我自飲我酒卿自讀卿騷

紀恨爲魏里張太君賦

越國燕鶯地春日綺羅年張星本連天上朱戶隱姬娟誰料羅窗綉閣吹到零風冷霧飄散亦前緣舊日畫眉事追紀那能全織錦曲緘情淚寄誰邊漳河獨火小店徹夜雨綿綿請看古來青史何限傷心紅粉唱煞隔江船且盡一杯酒莫撥四條絃

初夏吳門舟次董榜亭錢葆勗畱飲顧梁汾適至

卽席分賦

往事細如雨新水滑於羅十年纔一會面不飲欲如何雪抑松江銀鮓黃鑄洞庭盧橘酌以小紅螺僕素不勝酒醉態亦傀俄相樂也復相泣起婆娑眼中之人老矣春後落花多休管誰家龍鳳不若狗兒吹笛伴取膾娘歌小別數日耳榴月復經過酒間榜亭偶語董龍事葆勗云君家有龍猶寒宗有鳳也一座大笑元微

之詩云狗兒  
吹笛贍娘歌

趙北口作

忽復出門去萬事總由天難忘只有烟水永不罷相憐此  
地燕南趙北盡日黃塵白草那抵舊溪山詎料故鄉景陡  
落荀輿前鄭州鎮大沽口水雲寬空明浩森碧篠紅蓼  
滿汀灣也有魚羨蓮米安得笛床茶臼水闌兩三間臥聽  
吳娘櫓帶暝唱歌還

鳳凰臺上憶吹簫

閏六月七日爲牛女作輿惄詞

翠鵲橋虛珠匏路杳懊惱情思無憊奈粉河一望靈匹難  
招寄語天邊織室雙鴛杵織指休拋停梭怨金徒箭永青  
女粧遇迢迢常時此夜正微褰麝燈小駕龍輶記衣香

鬢影鬢翳今宵屈指經年離別依然又淚滴紅綃差喜是  
涼秋不遠準備魂消

和漱玉詞

蘸水垂楊漫天絲柳千條萬緒樓頭正圓水清淺斜靠簾  
鉤擬把玉容重整纔勻面怊悵還休慨慨甚今春三月忒  
似深秋堪羞韶華縱好奈舊情已換往事難留只梁間  
玉剪勸我登樓簾押朦朧未捲青山外不忍凝眸無過是  
瀟瀟春雨點點離愁

廣陵送孫介夫之石城

紅板橋頭方山柵口中流令撥吳箏正螢飛水簾蟬咽銀  
牀經過郗僧施宅青溪曲曲似廻腸雲水外千年陳蹟一  
片新涼堂堂過江人物記疇昔獅兒亦號孫郎奈殘山

剩壘極浦斜陽持底寄愁天上君須問舊日平康還則怕  
菖蒲花老燕子樓荒

湯陰城外十里絲楊夾堤互引額以柳廊名極冷

雋詞以紀之

淇水潺湲爵臺駁遜中原灤火年光漸湯陰城下陳蹟荒  
涼一帶絲楊蘸馬晴漪皺宛轉長廊繁人處輕陰輕暝晬  
就鵝黃思量添些蟬韻便一襟秋思那讓吾鄉記離離  
水驛小小蟲娘白苧新裁春雪凭肩處柳外貪涼中年也  
情隨飛絮一樣微茫

秣陵懷古

紅板橋南錦衣倉北金陵從古皇州記離宮牆外年少潛  
遊忽聽九重仙樂東風細聲度龍樓依稀認寧王玉笛賀  
老笠篋悠悠南朝風景看幾遍桃紅白了人頭筭劉郎  
易老羸女難留三十六宮何在斜陽外隱隱離愁傷心極  
後湖菱蔓一片漁舟

本意

貴主亭臺真妃環珮月中鳳吹悠悠占人間天上兩處風  
流一自彩鸞齊跨雙携手玉宇瓊樓咸陽樹宮娥悵望仙  
馭難留回眸人民都換望渭水秦川頓惹閒愁歎重關  
二百廢苑成秋千載鮑魚孫子沙丘路大藥難求迫然嘯  
青天碧海夜夜清謳

題宋楚鴻倚樓詞卷

百萬呼盧十千買醉世間何策驅愁惹銅仙多事鉛淚長  
流一片唐陵漢寢遺基在舞罷歌休何況是敗荷衰柳總

不宜秋 猛眸金荃一卷問宋玉家鄉陸璣湖頭悵頻年  
踪跡只客皇州欲覓燕昭舊事高臺畔野水悠悠無聊甚

閒吟閒寫滿幅銀鉤

夢揚州

蘧庵先生久客維揚詞以寄懷

蜀岡頭記狂夫舊日曾遊薄倖樊川贏得一夢青樓紅橋  
上藕絲菱蔓當時費盡凝眸平陳業烟花記可憐逝水悠  
悠老矣先生何求也雨檝烟帆北謁諸侯鶴髮開元老  
淚銅仙爭流紅衣落盡西風起怕墮堤最不宜秋隱隱見  
一江燈火人隔揚州

塞孤

早春寄周伯衡先生并訊倪子闇公

先生從征楚幕近客梁溪

問湘天滴黛何時歇曾記周郎英發坐擁油幢臨大別軍  
笳奏鄉心截舳艤溢浦如麻鎧甲庾樓成雪嚴飈破磧古  
樹都裂孤蓬暫入吳老鬚終懷闕第二泉聲嗚咽瀑走  
銀虹三四疊衝動防身劍篋料此際共兒寬看水上粉英  
結定吟殘亂山白月

宣武城外書所見

北風如箭吼城門啟不斷香車流水側卷紹簾拖燕尾巫  
鼓唱蠻簫賽烏孫別紫臺人黃鸝寡青溪妹粉襟兒畔多  
少紅淚誰唱勑勒歌訴盡消魂事繡鏃殘骸攢蝶樹腹  
崖根潛老魅招蜀魄呼湘鬼鵠已叫洛陽城鶴未返遼西  
市總春閨夢中夫婿

夜宿翁村時方刈稻苦雨不絕詞紀田家語

爲君訴今年東作滿目西疇盡成北渚雨翻盆勢欲浮村  
去香稻波飄都做沉湘角黍咽淚頻呼兒女甕頭剩粒爲  
客殷勤煮話難住茅簷點滴短檠青熒牀上無乾處雨  
聲乍續啼聲斷又被啼聲剪了半村雨搖手亟謝田翁一  
曲淋鉉不抵卿言苦

迦陵詞全集卷十四終

迦陵詞全集卷十五

宜興陳維崧其年著

江都宗元鼎定九

弟維岳緯雲

第

宗石子萬

參閱

新城王士禛阮亭

選

男履端

校

崑山徐乾學健庵

姪賜薛

校

宣城梅庚耦長

校

八節長歡

乙巳元日

淑景驚催畫梁日影蚤漾粧臺曬臘金母帳漱澁玉人杯  
宜春帖子簪花格漸閨中珠網爭開多少屏搖翠栱勝颺  
紅梅長安車騎朝正青絲轡火城影裏初回宮闕暖祥  
雲嬉遊罷誰憐江左鄒枚休怊悵喜吳娘已釀春醅屈指

又試燈挑菜且拾遺釵

元日後二日積雨新晴偕大鴻雲臣散步城南望

銅官一帶翠色眷戀久之不克游南嶽而返

竟欲成村似曾着雨第五橋邊盈盈臨水寺脉脉弄晴天  
溪痕入畫年光惹醉繞城荻市茶船最好雛春乍霽帽側  
襟偏群峯一笑嫣然高低影數行秀鬢堪憐揚袂倚風  
前凝薄恚迎人却又遷延惱何事未斜陽客子將還終有  
日櫻鞋筍屐細續前緣

卓牌兒

夏日咏閨人鬪葉子

遙窺兩重門群掩映凝烟碧幌兀字榻底憑肩語笑冰紋  
廊後暉鬟沉想風流小南唐金葉子描鸞小樣斑几滑笏

玲瓏蠟箋纖脆輕盈打來偏響七紅四賞更花燭京城  
新創蘭閨似掌儼楚漢情狀贏得簾西紅鸚鵡也隔屏山  
注望私講笑粉裝劉項

聯吟爲閩牛叟賦

牛叟兌闇遺徵曰余填詞成妻恒爲解願偶製杏花天三闋妻

索書素帕出  
入懷袖中

誰填杏花天那滿幅春愁無賴鳳紙正疊狸毫乍弄籠鸚  
報道娘來簾外新詞訝輕狂一半是狂奴故態幾徧繞柱  
循廊一回暗想胡猜感他蛾黛頰容旋解畢竟是清新  
堪愛烏絲小楷要麝墨親灑今日營齋營葬訖石竹羅裙  
早壞裙帶字斜行還在

天香

中元感舊

夾路旛竿盈城梵唄分明元夜燈市露濕巫簫秋生賽鼓  
頭上月輪初霽金波漱灑還瀉做萬家紅淚天與玉容爭  
淡烟飄粉裙偏麗 許多流鶯聲細似啼猿楚峽寥唳只  
有小墳新塚誰修薄祭空伴唐陵漢寢都一樣妻涼野田  
裡黃土鴉鳴白楊風起

咏桂

靈隱門前番禹城裡秋花一種清絕碧海冷泠金風陣陣  
壓下數堆黃雪山齋湖舫說不盡幽芬清冽金粟一番開  
謝冰輪幾回圓缺 曾經託根瑤闕幾曾美人間風月相  
伴蟾孤兔冷羿妃偷折自與廣寒輕別記不起霓裳舊時  
闋帶恨纔開和愁細結

龍涎香

萬斛蛟漦千堆蜃沫沉沉碧海今夜湘蛾倚殿貴主還宮  
新擣都梁無價金盆煎處趁月裡桂華初謝濃染鮫人茜  
淚小襯馮夷冰帕 天風彩鸞斜跨杜蘭香水邊閒話幾  
徧龍堂游戲蓬萊乾也多少望陵愁夢空剩得分香雀臺  
瓦散與人間鬪他檀麝

漢宮春

送郝元公先生之任宛陵

先生梁溪廣文視篆  
吾邑今陞寧國府授

秋色佳哉剪綠帆半幅與鴈同飛船頭新暘似雪津樹霏  
微後堂絲竹記頻年屢解談圃真豪邁傳經劉向肯言心  
事終違 此去雲山萬疊近天門牛渚采石蠟磯今朝臨  
風醞酒往事都非江聲千尺推蓬望吟遍斜暉偏相羨敬  
亭山色朝朝得上君衣

此際東吳正黃菊離披紫螯郭索作裝底急使我傷於哀  
樂西堂夜話筭曾經幾番晦朔又來朝河橋判袂匆匆弟  
酬兄酢 昔日揚烏項橐須臾吾已老鳳飄鸞泊烏衣門  
巷變做荳花籬落半生牧豕問何年離蔬釋屬喜予季來  
春花煖休恨一官祿薄

附梁棠村先生原倡

雪霽燕關有吳客將歸越吟蕭索池塘草色夢入君家  
康樂偶然杖策逐寒烟壯遊河朔向市中狗屠擊筑相  
看壚頭酬酢 千里春風垂橐嘆秦川公子梁園棲泊  
長門價賤誰識臨邛搖落仲宣憔頓賦登樓仗憑春屬  
且作達狂歌對酒莫問人情雲薄

附史蘧庵和韵

楓冷江寒嘆雪浪奔鯨霜簷悼鵠蒲帆北渡士雅英風  
如昨睥睨淮泗轢青齊醉吟河嶽宕日弄鞭捎未肯輸  
人掀髯天廓 何須酒錢各橐只千霄綵筆鄒枚氣索  
風嘶騏駢笑指黃金臺閣長揚賦奏駭公卿聞鐘長樂  
天半倚司空耳語識取芙蓉藏鐸

附徐竹逸和韵

最愛元方是名士風流胸羅丘索交同皮陸對擲詩筒  
相樂更欣難弟氣如虹嘲楊戲朔廿載梁園愁旅食今  
幸家園酬酢 休恨歸來空橐但連床夜話強於飄泊  
墳箋迭奏碧玉盤中珠落酒酣慷慨舞吳鈎笑拋殘局  
且暫息敝廬風雨郭外先疇原薄

附緯雲弟和韵

過庭詩全集卷十五

四

惠立堂

二十年來嘆景物故園依然蕭索凭欄把手聊復行歌  
相樂無何烏榜喚將離孟冬月朔畫溪邊紛鋪黃葉冷  
鴈寒雲酬酢休悵敝裘虛橐一枝如可借鶴鷁暫泊  
松廳花署也勝青氊拓落得閒載酒印床開漫携雙屨  
待他日重尋舊隱桂樹共披幽薄

附子萬弟和韵

丁巳十月四日弟自毫村復返商丘將入都謁選與余詰別作此

鷁首浦帆看兩岸蕭蕭千林索索半生懷抱大抵哀多  
於樂墳荒纔和早又是兄南弟朔嘆萍踪歸來何日再  
到故園酬酢莫問此番行橐且狂歌起舞不妨飄泊  
白屋公卿休哂謝家中落富貴浮雲且還我青山赤屨  
銜杯笑紛糾項領何限眼中輕薄

贈梁蒼巖先生次先生贈子萬舍弟原韻

綠鬟勲名譽上相韓刀風生鈴索籌邊多暇細馬潛游平  
樂神仙富貴總兼之笑他飢朔擘詞頭錦牋十樣朝朝翠  
酬紅酢前歲粵裝陸橐正花洋珠海樓船停泊蠻天紅  
豆爭向句中飛落先生粵東集詩詞最工獨憐愁客老泥塗蹉跎  
屬幸當世有公知我莫管五陵輕薄

立春後一日雨雪從友人齋頭醉歸紀事

婉婉熙春有比隣築玉計日安排昨朝新做綵勝綠剪紅  
裁幾絲酥雨釀濃陰膩透銅街今朝又騰騰微雪輕盈撲  
上人釵便擬放顛衝酒要粉搖歌袖玉濺吟懸最喜銀  
裝世界白佔樓臺春泥沒屐怪枯筇難穩芒鞋高樓上難  
鳶笑我劉伶醉倒須埋

春夜聽盲女彈琵琶詞

滿院梅風攬一鉤纖月移上簾鬢檀槽有人慢撚盤瀉珍珠繫繫畫鼓似開元妙手花奴奇哉技飛揚感激勝於讀史遷書太息東籬實甫有無窮魂壘墨染烟驅一聲通仙鐵笛碧海雲孤青衫濕透問伊憐旁有人無還相調輕雲蔽月今宵渺渺愁余

雨中花慢

雨中過蘧庵先生宅看紅梅

白傅堂前裴相庭中一株濃艷垂垂恰拖將輕雨蟬盡腰肢絨索猩脣唾後淚珠鴟舌凝時似懨懨宿酒慣趁朝粧來暈春肌嫣然一笑悄無人處倚欄心事誰知亟倩茜衫籠着絳袖盛之帶雪三分粉綻愁陰一朶紅欹還須囑

付小樓鈿笛莫漫頻吹

燭影搖紅

丁未元夜

第一良宵雨絲攬得愁心碎六街鋪遍是春陰火樹無人賽年少俊遊不再剩懨懨夜情私耐嬾提簫局慵整衾窩有些寒在憶昔歡娛墮釵小拾春城背自從圓月打頭來照見狂奴態直到收燈挑菜歎如今事隨年退藕花裙子紅漆車兒拋人十載

丁巳上元夜泊河橋

露驛烟庄一般簫鼓千門沸銀毬綵慢四圍紅漾徧斜橋裡曼衍魚龍百戲鬧蛾兒游童成隊非無粉帕亦有檀釵暗中潛墜回首春城上元風景依稀記今宵一棹纜烟

汀懶打看燈謎且引村醪自醉枕漁蓑和愁早睡迢迢往  
緒歷歷前情付之流水

帝臺春

五月南徐懷周翼微在都門卽用其江上畱別原韻

紅瘦成碧鱗魚堆網白帳殺年光回首春前旗亭餞客公  
路浦君爲遠別呂蒙城我無相識記曹家園上看花疎狂

那夕

余別翼微於江上曹頫嘉園

高齒屐黃金戰行不得愁何益歎

命不如人雄姿俊侷此日一齊拋擲試詠洛生誰解作擬

邀麴部何從索悶坐憶周郎聽江聲千尺

暗香

東竹逸訊蔭綠軒前梅花消息

曉寒正側悵今春天氣連朝如墨郭外小橋幾樹紅香受  
寒勒兒是風前水畔有多少明粧傾國也伴着細雨輕烟  
零亂翠簾隙悽寂正小極似十五玉娥舞困無力僧樓  
伎席記得常年暗香積誰料懊他花信偏則惹粉腮輕濕  
問甚日含笑覩素英狼籍

梔子花下有感

夜窗全黑被一株梔子凝來通白拂水着烟輕裏風枝送  
香雪三十年前往事曾記在康崇坊宅見小玉羅袂亭亭  
含笑趁涼摘今夕重露滴總一任好花滿院狼籍暗巡  
花側不見裙痕并鞋迹提起同心兩字人正隔銀牆千尺  
花在手誰戴也碎接花擲

吳靜安姑丈臨風閣上賞梅

玉堂人物況階前瓊樹一枝先發近手花欹小倚晴樓汎  
香雪料理茶鐺棋局更乍破皎冰芳冽恰移入片片繁英  
和取索郎啜幽絕恁時節又脆管嬌絲隔垣低揭紅纖  
半坼脉脉相看倍親切若待盈枝爛熳怕悞了人生作達  
薄醉也壓帽是一堆粉月

八聲甘州

月夜守風江店

對清光一碧倚江城獨立怨飄蓬最惱人懷抱危檣匝地  
殘堞當空遙想故園粧閣擁袖側金蟲歎息橐砧去烟水  
濛濛一派銀濤雪浪瀉青銅鏡底白鴈聲中料嫦娥清  
冷此際與人同且消停三更茅店任隔垣紫馬夜嘶風消  
魂也江愁衛玠月想王恭

南耕齋中食鱠魚作

汝魚平汝旣弄潮來何如趁潮歸却波濤堆裡橙虀香處  
自許輕肥千古斷磯黃鵠不了是和非貪聽漁翁笛悵觸  
危機謝汝崎嶇萬里把浪花舞破來慰晨饑問途經西  
塞果否颺旌旗幸團圓故園兄弟况小窗雨後漾晴暉浮  
生樂無如斫鱠安用呼豨

寄宛陵沈方鄰兼懷梅耦長

記西風握手秣陵隈苦語勸君歸歎尉佗城下小姑山口  
風景全非方鄰久客西江東粵何事年年作客牢落寸心違且與王  
章婦對泣牛衣謝爾吾言竟用果幡然歸葺雲壑烟扉  
更梅郎健在酬和未應稀只伶行畫溪野老况今年烽火  
鴈難飛關情甚敬亭栗罅石臼魚肥

客有言西江近事者感而賦此

說西江近事最消魂啼斷竹林猿歎灌嬰城下章江門外  
玉碎珠殘爭擁紅粧北去何日遂生還寂寥詞人句南浦  
西山誰向長生宮殿對君王試鼓別鵠離鸞怕未終此  
曲先已慘天顏只小姑端然未去伴彭郎烟水月明間終  
古是銀濤雪浪霧鬢風鬟

丙辰夏月蘧庵先生游廣陵諸同人以先生昨歲  
七袞補作詩畫奉贈初秋歸里持以示予遂於  
卷尾亦題一章

恰秋江嫋嫋碧於烟先生峭帆歸有錦蟬麝燈芙蓉養紙  
荳蔻纖題更愛寫生妙手烘染自蛾眉花月揚州路猶未  
全非曾唱千秋歲引向春燈挂處滿汎玻璃美銅仙鶴

髮今古似公稀偶重經玉人橋上惹群真爭譜鷓鴣詞閒  
披賞尊絲正熟菰米剛肥

夏初臨

本意

麥浪接晴槐陰擗雨小樓無限思量九十韶華誰憐歸去  
堂堂屏山敝盡瀟湘漸凌波玉剪飛忙此時天氣今年情  
緒大抵悵悵天涯羈旅煞甚淒涼慣推中酒怕說思鄉  
江東故苑正逢櫻笋時光何日吳裝傍柳綿小泊斜陽倚  
蟲娘一春愁病說與端詳

本意癸丑三月十九日  
用明楊孟載韻

中酒心情拆綿時節曹騰剛送春歸一畝池塘綠陰濃觸  
簾衣柳花攬亂晴暉更畫梁玉剪交飛販茶船重挑笋人

忙山市成圍 蔴然却想三十年前銅駝恨積金谷人稀  
劃殘竹粉舊愁寫嚮闌西惆悵移時鎮無聊搘損薺薇許  
誰知細柳新蒲都付鶯啼

杜鵑花同雲臣賦

昨夜枝頭問誰啼血灑來併入花叢縱使春歸也須偷注  
殷紅爲伊細數行踪記鄉關棧閣千重曾隨花蕊葭萌驛  
前一路飄蓬 淡烟粉水斜月綿州華陽士女蜀國絲桐  
便爲花鳥魂猶戀此安窮欲拜低頭最憐他姓氏相同莫  
愁濃溪山此間不異新豐杜鵑爲川中花而吾邑亦有蜀山故云

雨泊洴練

柳盡籠橋晉多界浦片帆閃碎波光鷗浪堆中笛聲散入  
微茫落花時候鳴榔笑洴來雪練何長沙禽野鶴啼晴喚

陰飛觸船窗 峏焉颶作倏爾溪昏盤渦澗汨紫鳳騰驤  
濤奔萬馬依稀屋瓦昆陽且泊輕航貰香醪暫澣愁腸漸  
昏黃烟潭水樓盡點銀缸

立夏日雨中作

乍過花時纔逢笋候碧窗春去無蹤似別情人河橋愁盼  
征蓬打梅摘豆俱慵正漫天絲雨濛濛夢迴酒醒巡簷倚  
闌離緒重重 一場惆悵半榻瞢騰暫携溪老閒訊漁翁  
落花天氣從君脫帽江東綠滿長空笑幾番漢苑秦宮暗  
簾櫳玫瑰成陰漸逗薰風

夢芙蓉

寒月

倍覺姮娥寡奈金波早凍素光空瀉此時帝里六館并三

瓦擁爐圍粉帕疇憐夜景如畫讓碧空中只一丸獨自冷  
向鳳樓挂除是賀蘭山下老將營門看得分明也清輝  
縱好此外誰知者長宵更鼓打冤華莫也生怕且待新春  
點紅燈萬盞照着鬧蛾兒

月邊嬌

己未長安元夕

元夜年時記水榭狂游驛橋閒趁梅梢月上樓簷燈挂媚  
蝶閭蛾成陣春泥鬆軟鏤十里鳳城鞋印小門殘火見多  
少澹粧輕粉如今獨客京華料還怪我歸期難准金錢  
浪擲紫姑羞卜長自盼人書信晚寒偏嫩悄地向冰蟾低  
問清輝何苦照一宵潘鬢

醉蓬萊

積雪爲橋和雲臣作

借連宵積雪戲作銀橋橫眠街路却也玲瓏現雕闌綵柱  
駕此何爲從來官道有瞿塘灔澦笑倒春城往來車馬紛  
紜士女追想當年秦皇漢帝鞭石爲梁霓旌西去萬里  
龜鼈歎紅顏難駐老子神通偶然游戲學填河鵠羽今夜  
橋成看余矯首共安期語

感遇二首

向斜陽紅處長歌砍地忽然悲嘯纔爛樵柯又塵生瑤島  
一片江山千村蘆荻剩幾人屠釣擬抱冰絃夜深彈向黃  
陵古廟且約酒徒閒過伎館擲帽狂呼繞床大叫坐上  
何人識袁家彥道歷歷神州茫茫解字問誰爲劉表感慨  
登臨月明烏鵲南枝絕少

把數行青史讀向床頭仰天孤嘯可惜桃花又落來瓊島  
誰是誰非磻溪嚴瀨千古同垂釣淮放狂顛行歌亂冢醉  
眠叢廟曠野蒼茫曉山重疊紅日將生海天鷄叫殘夢  
驚回悵華胥古道一片旌旗三更鼓角怕吹來江表且向  
廬邊問他春甕酒存多少

碧山莊看杜鵑秦以新太翁畱飲花下有懷對巖  
檢討

折一枝笑問也把鶻呼爾何愁苦綠暗園林點深紅千樹  
但到花間休論身外有酒何妨住况是今朝絃管鶯啼池  
亭燕乳停杯忽憶故人千里鄂渚牙幢武昌樓櫓萬一  
思鄉寫斷腸佳句那得憑闌將花做鳥向楚天低處黃鶴  
樓前殷勤爲我叫他歸去

虎丘月夜見有貴官呵止游人者戲填此詞  
正歌塲匝地舞榭臨風碧天如畫官自何來拖麟衫艾綬  
從事喧逐郎君貴倨禁遊童趨走千載吳山一塲秋興月  
偏花憊黃鶴飛仙玉清謫吏偶趁風光閒來林藪見此  
塵容展軒渠笑口七貴貂蟬五湖烟水問誰堪長久且掣  
青萍化爲鐵笛作狂龍吼

戊午人日爲曹曹溪廣文壽

喜新年七日蕙雪微融梅風纔轉百福釵旛做蓬萊家宴  
碧奈花前絳桃樹底簇舞衫歌舞扇節候粘鷄門風繡虎六  
街傳徧回憶生平當時講舍滻瀆雲遮渺湖天遠一笑  
抽簪趨閒身猶健蘭苗皆墀鯉趨庭砌縱封侯誰換勝裡  
春人玉釭遙指向先生勸

玉簾涼

夏景

杉驛烟鄉正屏掩楚峯簾滑吳江得風簾欲笑就食鳥相忘鱸魚美似北固四十九入手先香晚飯罷覓閒僧話暑老樹賒涼吳裝白蓮着粉紅藕放花野鶴暗觸船窗風燈零亂極漸暝色微茫波上已逗素月問賣酒甚處陽昌吾醉矣擬夜游瓊島雲廂

己未長安七夕

太液荷香悵良夜今秋仍臥他鄉輸他天上景又填鵲成梁一從上苑入直金魚珮誰放疎狂瓜果讌奈庾樓高處風露偏涼秋光舊家節物往日心情贏得無限思量一鉤眉樣月記曾照幽窗粉雲此夜千里盼不到小院疎廊

銀漢底料有人和淚凝粧

黃鸝遙碧樹

冬夜觀劇感舊

燠館風簾軟紅槽榨酒冬宵溫煦箏琶狎謔是延秋雜饗華清全部一聲入破乍催醒庭花無數幕提起年少疎狂踪跡許多情緒記得江南燕乳杏花村綠楊纔絮恁時節慣量珠買笑釀錦酬舞落拓半生好夢風和雨都吹去可憐白髮重經酒旗戲鼓

慶清朝慢

憺園卽景

園係玉峯徐健庵太史新築

正復淡泡居然蕭遠此中位置殊難主人畧施烟墨已就林巒幾尺紅泥墻子被風吹亂月同彎花深處玲瓏金粉

一半纔乾 碧一隊黃一隊皴染得亭榭在水雲間朱欄  
綠莎廳好映帶潺湲盡日唼波花鴨參差睡破簾紋閒登  
樓望斜陽士女又滿春山

西子粧慢

四月朔日同吳天篆過通真觀王鍊師道院看牡丹卽用天篆昨歲雨中看花韻

紫府玲瓏丹房窈窕長就枝頭嬌嬋看花人逐蝶蜂忙隔  
花試尋遊侶醮壇側去露幾朵檀痕淺注羨盈盈比人間  
金谷更饒幽趣 花如語低撻金鈴小向暮春訴紅顏最  
怕落花風乞鍊師爲花重鑄師還念取劉郎鬢已經如許  
待來春玄都觀又成前度

長亭怨慢

春雨

小樓外絲絲縷縷也似樓頭箇儂情緒攬幙繁簾惹人愁  
恨甚時住夜香籠袖粧纔罷天還暮擬細炙鵝笙笙亦爲  
春寒鳳嘴偏努 小屏風幾疊曾見重重南浦因思江上  
筭今夜有人羈旅縱有日賒到春晴晴不得腮邊紅雨怎  
能勾梨花門掩雙雙笑語

春晴和京少回用前韻

正帶夢流鶯碎語似訴簾間已收宿雨此日墻頭花枝定  
是招行旅風光何處總在斜橋極浦看纔過收燈却又是  
林邊春笋將努 倚簾曾暗許錦鱗來太遲暮連朝春困  
渾欲倩東風扶住便從此炙杏烘桃怕難熨兩眉愁緒凭  
闌久斜陽紅歛漸沉霞縷

送曹二隱還郡

記昨日西風吹汝送到荆南斜橋極浦船泊家門水窗開  
在晚京處與君兄弟連夜作銷魂語語罷起而歌一曲小  
秦王爲回鶻舞歎人生易散記囑分携休遠如何人說  
竟私買小舟歸去吟不盡故國秋光聽不得天涯戰鼓怕  
來夕郡樓高望閒愁無數

夏日吳門道中寄內

記睡醒紗巾輕墮又促移床樹陰中臥院悄人稀舉頭閒  
數碧星顆井華浴簾漸月映中門鎖喚綠茗盈盈恰一縷  
紅生廊火幾朵是纔開茉莉小傍苧衫斜蟬抽書賭背  
總排定夜分幽課弄不了菱粉菱絲寫難盡偷聲入破惹  
萬種思量凭仄烟橈風舸此闋與春雨各調詞句不同因原本繫長亭怨慢姑仍之

途次潤州水澁舟膠東何雍南

自買得霜蓬風舸准辦乘潮秋衾夢妥詎信連朝水窗還  
泊蒜山左愁多於水水却似真珠顆縱使似真珠儘也有  
啼珠添上些箇故人江閣望城外層層烟鎖千帆載恨  
誰料是此間有我知甚日丁卯橋西隨江鳥片時飛過枉  
費盡千撻柁鼓一行檣火

第 35683 号

平成 3.11.22

聖	和	学
園	短	大
國	書	館

928  
千  
11

迦陵詞全集卷十五終

題

